

登封縣志卷二十八

太常寺博士洪亮吉

同纂

登封縣知縣陸繼尊

鹿藻錄

歌辭

上古箕山歌

古今樂錄曰許由者古之貞厲之士也堯時爲布衣以清節約聞於堯堯乃遣使禱

爲天子山喟然嘆曰匹夫結志固如磐石採山飲河所以養性非以貪天下也堯旣殂落乃作箕山之歌曰

登彼箕山兮瞻望天下

古音虎

山川麗崎萬物還普日月

運照靡不記睹游放其間何所却慮叶嘆彼唐堯獨自

愁苦勞心九州憂勤后土謂予欽明傳禪易祖我樂何

如蓋不盼顧河水流兮緣高山叶

甘瓜施兮葉綿蠻叶

高林肅兮相錯連居此之處傲堯君

賦

詩五

古

唐宋之間雨從箕山來

雨從箕山來倏與飄風度  
晴明西峰日綠縵南溪樹  
此時客精廬幸蒙真僧顧  
深人清淨理妙斷往來趣  
意得兩契如言盡共忘  
喻觀花寂不動聞鳥兀可悟  
向夕聞天香淹留不能去

宋之間陪羣公登箕山賦得羣字

許由去已遠冥莫見幽墳  
世薄人不貴茲山唯白雲  
靈知三千歲復有堯爲君  
時佐激頽俗登箕挹清芬  
高節雖旦暮逸與洪崖羣

宋之問奉使嵩山途經緱嶺

侵星發洛城城中歌吹聲畢景至緱嶺嶺上煙霞生草  
樹饒野意山川多古情大隱德所薄歸來可退耕

宋之問使至嵩山尋杜四不遇慨然復傷田洗馬韓觀  
主因以題壁贈杜候杜四

洛橋瞻太室期子在雲煙歸來不相見孤賞美寒泉與  
君澗松石于茲二十年田公謝昭世韓子秘幽挺憶昔  
同攜手山樓接二賢笙歌入元地詩酒坐寥天舊友悉  
零落罷琴私自憐逝者非藥誤餐霞意可全爲余理還  
策相與事靈仙

以上  
本集

劉希夷嵩嶽聞笙

月出嵩山東月明山益空山人愛清景散髮卧秋風  
風止夜何清獨夜草蟲鳴仙人不可見乘月近吹笙絳唇  
吸靈氣玉指調真聲真聲是何曲三山鸞鶴情昔去落  
塵俗願言聞此曲今來卧嵩岑何幸承幽音神韻樂事  
事笙歌銘夙心

全唐詩

儲光羲至嵩陽觀觀卽天皇故宅

真人上清室乃在中峰前花霧生玉井霓裳畫列仙念  
茲宮故宇多此地新泉松柏有清陰薜蘿亦自妍一闕  
步虛子又話逍遙篇忽若在雲漢風中意泠然

崔曙潁陽東溪懷古

靈溪氛霧歇皎鏡清心顏空色不映水秋聲多在山世



人久疏曠萬物皆自閑白鷺寒更浴孤雲晴未還昔時

讓王者此地閉元關無以躡高步淒涼岑壑間

全唐詩

李白送裴十八圖南歸嵩山

何處可爲別長安青綺門胡姬招素手延客醉金樽臨  
當上馬時我獨與君言風吹芳蘭折日沒烏雀喧舉手  
指飛鴻此情難具論同歸無蚤晚潁水有清源

李白送楊山人歸嵩山

我有萬古宅嵩陽玉女峰長留一片月挂在東溪松爾  
去掇仙草菖蒲花紫茸歲晚或相訪青天騎白龍

李白送岑徵君歸鳴皋山

岑公相門子雅望歸安石奕世皆夔龍中台竟三折至

入達機兆高揖九州伯奈何天地間而作隱淪客貴道  
能全真潛輝卧幽鄰探元八晉默觀化游無垠光武有  
天下嚴陵爲故人雖登洛陽殿不屈巢由身余亦謝明  
主今稱偃蹇臣登高覽萬古思與廣成鄰蹈海寧受賞  
還山非問津西來一搖扇共拂元規塵

李白嵩山採菖蒲者

神仙多古貌雙耳下垂肩嵩嶽逢漢武邇是九疑仙我  
來採菖蒲服食可延年言終忽不見滅影人雲烟喻帝  
竟莫悟終歸茂陵田

以上六  
白集

岑參自潘陵尖還少室居止秋夕憑眺

草堂近少室夜靜聞風松月出潘陵尖照見十六峰九

月山葉赤谿雲淡秋容火點伊陽村煙深嵩角鐘尚子  
不可見蔣生難再逢勝愜只自知佳趣爲誰濃昨詣山  
僧期上到天壇東向下望雷雨雲間見回龍久與人羣  
疏轉愛邱壑中心澹水木會與幽魚鳥通稀微了自釋  
出處乃不同況本無宦情誓將依道風

嘉州集

### 孟郊嵩少

沙彌舞袈裟走向躑躅飛閑步亦惺惺芳援相依依噓  
塞春咽喉蜂蝶事光輝羣嬉且已晚孤引將何歸流艷  
去不息朝英亦疎微

孟郊訪嵩陽道士不遇

一作尋夷中

先生五岳遊文焰藏金鼎日下鶴過時人問空落影常

言一粒藥不墮生死境何當列禦寇去問仙人請

孟郊哀孟雲卿嵩陽荒居

戚戚抱幽獨宴宴沈荒居不聞新歡笑但覩舊詩書  
藝意彌苦耕山食無餘定交昔何在至戚今或疎  
薄俗易銷歇淳風難久舒秋蕪上空堂寒槿落枯渠  
薶草恐傷蕙攝衣自理鋤殘芳亦可餌遺秀誰忍除  
徘徊未能去爲爾涕漣如

毘陽修遊嵩十二首

路入石門見蒼蒼深靄間雲生石砌潤木老天風寒客

來依晚照徙倚聽山蟬

峻極寺

玉女不可邀蒼崖鬱嵒直石乳滴空竇仰見穴寥碧徙

倚難久留桂樹含春色

玉女窗

玉女搗仙衣夜下青松嶺山深風露寒月杵遙相應

蹤杳何尋片石秋光瑩

玉女搗衣石

高步登天池靈源湛然吐俯窺不可見淵默神龍護

夜天籟寒宿客疑風雨

天池

望望不可到行行何屈盤一選林杪出千巖雲下看

嵐半明滅落照在峰端

登太室中峰

繫馬青松陰躡屐蒼崖路驚鳥動林花空山答人語

霞不可攬直入冥冥霧

自峻極院步登太室

石徑方盤紆雙峰忽中斷呀豁青冥間畜泄煙雲亂

蘿試舉手自可階天漢

天門

烟霞天門深靈泉吐巖側雲濕巖氣寒石老林腹碧長

松暫休坐一酌煩心滌

天門泉

二室對岩巖羣峰聳嶠直雲隨高下起路轉參差碧春

曉桂叢深日下山烟白芝英已可茹悠然想泉石

二室道

昔聞王子晉把袂浮邱仙金駿于此墮吹笙不復還

蹄無跡久澗草但荒烟

拜馬澗

驅馬渡寒流斷澗橫荒堡槎危欲欹岸花落多依草壑

波翫游儵倒影看飛鳥畱連愛芳杜漸下四峰照

公路澗

朝下黃蘆坂夕望箕山雲緬懷巢上客想彼巖中人弱

歲慕高節壯年嬰世紛漱流羨潁水振衣嗟洛塵空祠

亂驚鳥山水含餘曛聯茲謝芝桂歸月及新春

真

司馬光登封龐國博

元常字懋德

年三十八自云欲弃官隱

嵩山作吏隱庵於縣寺俾光賦詩

懋德負長才全牛不足割纔爲百里宰驥足殊未展  
髮方盛疆趣尙已高遠結庵瞰二室志欲巢絕巘賢人  
心如雲無迹有舒卷不須驚俗目卓犖乃求顯既知  
可隱何必遺軒冕

梅堯臣永叔內翰見索謝公游嵩書感歎希深師魯子  
聰幾道皆爲異物獨公與余二人在

昔在洛陽時共游銅駝陌尋花不見人前代公侯宅  
深堂鑲塵埃空壁鬪蜥蜴楸陰布苔綠野蔓纏石碧池魚  
有偷釣林鳥有巧射園隸見我來朱門誓開闢園婦見

我還便掃車馬跡何以掃馬跡實亦畏他客我輩唯適  
情一葉未嘗摘他人或所至生菓不得惜又憶游嵩山  
勝趣無不索各具一壺酒各蠟一雙屐登危相扶牽遇  
平相笑噓石搗雲衣輕巖裂天窗窄上飲醒心泉高巖  
溜寒液下看峰半雨廣甸飛甘澤夜宿岳頂寺明月入  
戶白分吟露氣冷猛酌面易赤明朝循歸途兩脛痛苦  
刺日盱就馬乘香草路迥阨却望峻極居已與天外隔  
薄暮投少林漱濯整冠幘碑觀巡幸僧指古定空壁誓  
將新詠章燈前互詆譏楊生護已短一字不肯易明年  
移河陽簿書日堆積忽得謝公書大夸遊覽劇自嵩歷  
石堂蘼花題洞額其文曰神清固非人筆畫乃知二公



貴逆告意可曠遂由龍門歸里城環數驛我時詩已荅  
或歌或辨責責我不喜僧性實未所獲凡今三十年曩  
塚拱松栢唯公與菲才同在不同昔昔日同少壯今且  
異肥瘠昔日同微祿今且異烜赫昔同騎破韉今控銀  
轡革昔同自謳歌今執樂指百死者誠可悲存者獨窮  
厄但比死者優貧存何所益

梅堯臣遊嵩十三首

夕寢北窗下青山夢與尋相歡不異昔勝事却疑今風  
雨幽林靜雲烟古寺深攬衣方有感還喜問來音

河陽秋夕

夢永叔

嵩嵩

山高路已窮倏爾逢蘭若落日老僧閒支頤古松下緩

步入禪庭蒼苔但瀟灑

峻極寺

玉洞倚雲壁天窗露微明驂鸞去不返啼鳥空相驚萬

木自虧蔽捫蘿空復情

玉女聽

有石稱搗

衣搗衣人

不見雲纓自飄飄巖樹長蔥蒨猶應寒

夜中山月來鋪練

玉女搗衣石

安知最高頂清淺水池開有時片雲出倏忽生風雷誰

羨雙黃鵠刷羽來徘徊

天池

日夕望蒼崖嶮嶮在天外及來步其巔下見沔如帶全

壁雲霧昏山根已滂沛

登太室中峰

稅駕綠巖前攀蘿不知倦人從樹杪來路向雲端轉忽

覺在烟霞回首峰巔變

自峻極中院

古壁何蒼蒼穿雲玉梯出欻然起青真却立觀少室前

崑復後峰陰晴狀非一門

天門

冷冷雲外泉的的巖光入靜若仙鑑開寒疑玉龍蟄時

應下鹿羣印跡青苔濕

天門泉

曠哉嵩室陽神怪所棲宅蒼石不知年靈熊去無迹烟

巖想桂宮苔壁疑椒掖不學舜娥悲瀟湘竹枝碧

啟母石

車馬雲外來衣沾半山雨彌節扣真君捫蘿笑塵矩迴

溪響石松靈茹抽巖塢玉檻刻年華應無媿前古

天封觀

度嶺失羣山千峰出天際方歛左右看屢改縈迴勢勝

事與誰同芬然有蘭蕙

二室道

雲祠古殿深少室羣峰碧行雨欲隨車望巖非化石常

聞蘭氣蒸誰莫椒香液寄謝洛川妃凌波定何益

少婦廟

范仲淹遊嵩十一首

窈窕玉女應想像玉女粧皎皎月爲鑑飄飄霓作裳

學陽臺夢無端惑楚王

玉女應

但見巖前砧語聞月下杵金文與鏡色璨璨知千古試

問搗衣仙何如補天女

玉女搗衣石

嶽頂見仙池神異安可度勿謂無波濤雲雷有時惡乘

此澄清間吾纓亦可濯

天池

嵩山最高處逸客徧登臨回看日月影正得天地心念

此非常游千載一披襟

登太室中峰

白雲隨人來翩翩疾如馬洪崖與浮邱襟袂安足把

來峻極游何能小天下

自峻極中院步登太室

徘徊峻極寺清意滿烟霞好風從天來吹落桂樹花高

高人物外猶屬楚王家

峻極寺

天門絕境游熙然揖灑氣下顧莽蒼間雲雷走平地天  
威不遠人孰起欺天意

天門

天門有龍泉塵埃未嘗至日月自高照煙霞亦輝媚惟  
抱夷齊心飲之可無媿

天門泉

太室何森聳少室欲飛動相對起雲霞恍如游仙夢何  
以寵此行行歌降神頌

二室道

轉聞王子仙澗邊遺逸驥當時青雲路鷄犬亦可致未

必真龍媒悠悠在平地

拜馬淵

嵩山發靈源北望洛陽注清流引河漢白氣橫雲霧英  
羅昔此地百萬曾相拒近代無戰爭常人自來去  
公啓  
孫壅登封縣宇觀少室

天地始融結此山已高極羣峰擁旌幢巨石羅劒戟日  
出崖先紅雨餘嵐更碧安知無神仙其間久遁迹

李彌遜同天隱少章遊嵩山懷元明

蔡公我輩士早踏翰墨場萬言若投石十年猶枯囊苦  
欲泛江海有親在高堂牢落京華春門無一壺漿長鞭  
策瘦馬送我古道傍憐我值險艱赤心寫摧傷鏗鏘五  
字句勢與鵬鷲翔感此坐矯首星星鬢成蒼西風小搖  
落雨洗烟嵐光晚鐘露孤秀野陰棲暗芳更攜鮑謝清

履盡千巖霜搜竒得幽深訪古到森茫月落潭影空清  
吟殊未央緬懷紫芝宇百憂繞迴腸三歎已哺食十起  
中夜牀雲埋長安日魂夢不敢驪茂苑富山水結廬余  
所嘗我欲放船下卜鄰俯滄浪耦耕種秫田共掃三徑  
荒頭白青山裏長歌樂歲觴

筠溪集

金馮壁同裕之再過會善有懷希顏

寺原魏離宮十日來凡兩前與髯卿偕齊奠少林往其  
時已薄暮諸勝不暇訪今同魏諸孫再到風烟上寺僧  
導升殿雄深肅瞻仰柱礎門限砧追琢成大壯不見磨  
琢痕瑩滑明澗朗摩娑三歎息後世無此匠晚登西南  
亭碧玉對千丈如王官天柱如太華仙掌畱宿贊公房

秀色夢餘想夜靜耿不眠泉溜琴筑響惜暮今不來聯  
詩共清賞

雷淵九日登少室絕頂同裕之

閒居愛重九佳人重相過登高酬節物少室鬱嵯峨迤  
邐謝塵土夷猶出烟蘿欵如據鰲頭萬壑俯峰窩浩浩  
跨積風瀾瀾渺長河日車景紅輪天宇凝蒼波指點數  
齊州如覺氛埃多我無倚天劍有淚空滂沱驚鱗盼粵  
渚倦翼占危柯悔不與家來結茅老巖阿歸途睠老阮  
廣武意如何

雷淵會善寺怪松

物生自有常怪特物之病嗟嗟此老蒼怪怪生魁柄侏



借楚憚設宿痛擁臙瓊蛭蛟龍戲騰挪虎  
喜張礫意氣怒狂迸匠石求棟楹節目足譏評  
薪樵堅悍空盼瞪靜言觀倚伏未易相弔慶雖遠時世  
用顧免斤斧橫陽秋莫榮悴歲月何究竟盤盤曲則全  
挺挺獨也正小革快掃迹伏神還守性儻隨天中景瘖

字共麻映

以上中州集

元好問箕山

幽林轉陰崖鳥道人迹絕許君棲隱地唯有太古雪  
間黃屋貴物外祇自潔尙厭一瓢喧重負寧所屑降  
均義稟汨利忘智決得隴又望蜀有齊安用薛干戈  
蠶觸宇宙日流血魯連蹈東海夷叔采薇蕨至今陽城

山衡華兩邱垤古人不可作百念肺肝熱浩歌北風  
悠悠送孤月

元好問同希顏再登箕山

千年箕山祠蘿逕深以悄桂樹不復見禿篔餘秋篠  
盤盡絕頂石冢平木杪長風萬里來筋骸覺輕矯側身  
望岩竇解衣憇林表是時夏春交野色亂青縹川光乍  
明滅地脉互縈繞岡巒蟻垤出井邑蜂衙擾紅塵洛陽  
昏白雲太行曉元功信冥漠一覽疑可了悟彼東山人  
胸中魯宜小

元好問少林

雲林入清深禪房坐蕭爽澄泉潔餘習高鳥喚長往  
玻璃

無元豹姿漫有紫霞想回首山中雲靈芝日應長

元好問李道人松陰歸隱圖

北山范寬筆老瘦無妍姿南山小平遠澹若韋郎詩崧  
陽古仙邨佳處我所知長林連玉華細路入清微連延  
百餘家柴門水之澗桑麻蔽朝日雞犬通垣籬媿我出  
山來京塵滿山衣春風四十日夢與孤雲飛可笑李山  
人嗜好世所稀達人覓詩句不恤怒與譏道人本無事  
何苦塵中爲京師不易居我癡君更癡山中酒應熱幾

日是歸期

以上遺  
山集

元吳全節嶽投龍簡

皇慶二年歲在癸丑四月甲子詔元教張雷孫醮大

長春宮彌星芒禱雨澤也聖天子敬天愛民一誠之  
發其答如響禮成命元教吳全節太常卿李允中奉  
金龍玉節投諸嵩洞入山之初一雨遺霽歲祀之際  
輕陰護涼作詩紀之

陽城天地中坤靈奠神嶽積翠千層霄元氣遠盤礴  
神生申甫形勢控伊洛鎗猗虎豹蹲偃蹇蛟龍躍猛士  
橫戈矛竒陳出幃幘簇簇羅旌旗巍巍聳臺閣玉鏡爲  
誰開金櫃爲誰鑰遠近列畫圖週遭峙郭郭萬狀不可  
名起伏互連絡皇皇聖帝君歷代重封爵老栢浮蒼烟  
古殿蝕丹雘天朝混華夏秩禮特優渥皇慶二載春宵

軒軫民虞有旨熊長春玉簡命新豕詔王走登封香幣

致虔俗遠瀾藏寶符  
遷音降筮鶴三呼  
今復聞祥風度  
天樂小臣奉明祀  
三使陟雲巒  
箕山勝可家  
潁水清可  
濯  
遐想飲牛人  
高風動寥廓  
賜玦知何時  
分我雲半

歌詩勒嵩珉用贊聖人作

元詩選

駟李昌祺觀啟母石

夙負山水癖  
苦乏幽討緣  
幸茲崧與少  
秀色當眼前  
公餘陟峻岡  
忽覩石一卷  
特立四無鄰  
觚稜不相聯  
云是啟母身  
化在鄒墟壩  
呼之乃孳裂  
啟出仍完全  
幻語本荒唐  
昉見淮南篇  
遐想覆載間  
滄桑屢更遷  
安知運代移  
墜彼千仞巔  
厥理誠可推  
賢達固釋然  
矢詩正妖謔  
昧者庶或悛  
後世有豪傑  
爲我焚其篇

明詩綜

李昌祺端午日遊少極寺

少林聳岩崑有路達蔥嶺半生懷勝槩老乃踐真境  
流遠見迺偏袒仍露頂升高縱遐觀頗覺癡緣屏蒲風  
翻卷帙艾色侵衣領撥菴僧具供飲騎童汲井自拈清  
淨香作禮燕古鼎超超昔神師願寂同溟滓而於片石  
坐雷此不滅影二夏雖異轍皆貴能猛省寒巖許分坐  
禪定畢餘景明詩

王堯弼登鄂嶺望少室山

赤日登鄂嶺薰風自南來滌彼溽暑退吹我衣裳開我  
懷覺清灑我行實徘徊彼少室山峰巒鬱鬱崔嵬白雲  
鎖其巔蒼松盤其隈芙蓉接漢出冠畫倚天排不說

**Page not available.**

Please help scan and add.

页面不可用。

请协助扫描添加。

粵雖峻極崗阜亦平衍憇麓果紆廻登崇更凌踐夙多  
遺世踪到此塵慮遺箕穎信高蹈陽城道未貶揆迹有  
紉伸忘懷任舒卷素風諒不遐幽意得所展欲去還復  
畱低徊不能返

薄游吹笙嶺回憇搗衣石巫女不可遇青童似相識  
我一廂藥金膏和玉夜服之容色改自然生羽翼體輕  
若黃鶴一舉凌八極顧視護王人累累塚上石天地可  
齊年浮名竟何得

二室麗中天三花落雲外遠勢浮河洛穹標掩華岱珍  
木自成陰瑤草何曾漑神膏沆瀣霏金沙碧潭碎風從  
箕山來思與逸駕會天路杳難卽霞街久蕪穢獨見司



王子吹笙游鶴背青宮生塵埃紫房絕情愛逍遙白雲

問欲歸迷所在

海目集

高出箕山

箕出於太室如岱有梁甫輔嶽並稱尊他山遑敢侮類  
水源更清石流歷可數所以讓王人洗耳臨其許一瓢  
棄陶唐飲牛愧巢父後代鮮若儔高風激千古緬懷卷  
有遇嗟哉不復覩惟見波湛湛雲氣朝如雨褰裳行欲  
涉身上慙圭組孰云能廣覽徒羨翩翩雨茲意諒自解  
來者將何補

說嵩

崔萬仞遊盧巖

青山含素氣谷隱多真賢聞昔盧徵君結菴太室前窠

馬尋幽踪行行巽山川林木悅我目流石契我偏峩峩  
削峻壁冷冷掛飛泉萬事自陵谷舊地列諸天吾友稱  
靜者歌吹列華筵客遊不知疲四座意悠然感慨有餘  
情含語俱未宣我爲前致詞興盡且言旋廢興自有數  
叵寂亦有緣冉冉下夕陽歸路聽潺湲

說  
嵩

李正崇福宮禱雨

清曉戒徒御禱雨謁道宮焚香古像前拜跪肅以恭因  
之感興亡華構久已空尚有勅撰碑狼籍蔓草中慨想  
宋全盛鑿輿屢游從名臣領祠職列辟嚴晬容運往物  
隨改偉觀難再逢登臨睇烟霞頗愜眺望踪遲迴不能

去對杪來長風

說

王士崧面壁石

折蘆浮渡江震旦揭真諦心非轉法輪義不立文字  
九年面壁人寂寂緣底事石中一片影叅取西來意

舊志

畢懋康遊嵩山

振衣陟秦莽捫蘿登崔嵬靈崖隱煙霧絕巘摩穹霄  
泉聲灑飛瀑冷冷喧石橋涼燠異巖壑雨陽變昏朝  
結根比華岱幽邃逾中條遐矚發清曠溽暑生涼颺  
騁此物外觀聽彼雲中謠偃佺詎云遠浮邱猶可招

同上

顧絳少林寺

峩峩五乳峰奕奕少林寺海內昔橫流立功自隨季  
宏構類宸居天衣照金藏清梵切雲霄禪燈晃蒼翠  
頗闢

經律餘多亦諳武藝疆場有艱虞遣之扞王事今者何  
寂寥圓矣成蕪穢壞壁出游蜂空庭雉荒雉答言新令  
嚴括田任污吏增科及寺莊不問前朝賜山僧闕殮粥  
住守無一二百物有盛衰回旋儻天意豈無材傑人發  
憤起頽廢寄語惠場流勉待秦王至

亭林集

傳作舟嵩高

名嶽如文人英華不可束秀旣與天齊富仍傲地獨覽  
者得其膚謬云窮奧曲亦猶儉腹子未能窺多蓄我生  
嵩山下煙霞看不足巾裁御紫遊飯飽箕山粟媿遲太  
室緣於今始具襍思覓修月戶難逢素女屬樵夫狎石  
虎牧者騎田鹿是樹老鴻濛有一石皆金玉雨過廿四峰

峰峰出新沐遙望九節草遍尋不怒木宛聞盧君笑爾  
來何不速牀銚堪避亂漿髓勝求祿煉師藥可就謨觴  
書可讀青童作役使玉女亦眷族巢許高樓後繼者相  
往復勿用一錢買勝處卽清福何事塵朱顏終年苦趁  
趕聞之如解醒偕上中峰宿鷄犬出雲中夢與八仙逐  
曙紅俯下城點烟迷曉旭恍悟長生旨瑤闕懸心目  
空語壯遊識者痛其俗試問筭輿客幾層及半麓能同  
伯壽踪莫羨向平欲薄言婚嫁畢萬古宅終卜通志

國朝楊恩聖游嵩嶽

乾坤結奧區瀛氣宅靈元羣峰皆內向屹然成一尊混  
混烟嵐合終古白雲屯彷彿鬼神朝愔恍肅神魂對面

少室開拱立如弟兄一栢自何代縱橫盤地根冷冷天  
風吹似有聲響吞下馬剔殘碑纏藤雜苔痕千戈顏金  
碧琳宮無一存怪石當路伏攫拏虎豹蹲鳴泉聒暗壁  
綠崖被蕙蓀的皜野花明鳥雀滿巖喧一僧峰頂來負  
擔行步奔暫竚詢所歷手指翠微樊策杖望絕巘飄漚  
隔天門我欲從之遊徙倚已黃昏

且亭集

王紫綬遊龍潭轉赴盧巖

雨歇探龍潭咫尺未能卽絕磴緇岩甍仄梯倚翠崖訪  
勝無戒心振步先儔匹前趾二分垂後趾嗟將失窈窕  
俯盤渦側下深不測仰陟脰莫回勇者寡定色紆道詣  
盧巖塗塗日猶匿徑峴屢回復川潦互奔溢朱華冒崇

岡白雲被廣懸迅流無枯鱗幽壑有靜翼禽木皆自矜  
聲態詎能悉坐石挹飛泉形瘁神逾逸解颺激珠紛寒  
烟曳練直始至晴雪霏久憇雨湑急薄石空翠流厚石  
濕翠集蒼崖一以眺翳翳日將入乃悟造化工山山致  
非一虛巖日落明龍潭日出黑遐哉古人情於此託家  
室願言謝塵囂結伴采芝朮豈必向子平而待婚嫁聖

知咫  
堂集

臧藩廬巖觀瀑布

天池伏流下玉液憑虛瀉千縷絲懸織萬解珠紛射縱  
橫承雪澌碎旬雷雨陀斜飛蛟舞狂倒濺豈噴乍伏嵐  
浮澗底咽溜酸石罅泉聲過人聲霾夜同星夜高賢飽

餐霞野魅驚退舍獨有優曇華對此無冬夏

通志

### 馮樾登太室

杖策遵交岐駕言討寥廓屯雲按遙岑餘暉澹穹壑  
樹紛蔽虧流泉瀉叢薄遐踪愜幽蹊賞心適真漠探阻  
既迴緬陟椒復巉削和禽媚春條惠風披花萼周覽倦  
層阿會景啟丹閣聿想緱山人風吹雨衣落眷志情彌  
深撫物探今昨翰飛理空傳藉以脫塵縛

通志

### 施閏章望少室

晨興出東郭秋霽開心顏高阜一回首爽翠飛巉岼  
花信有無碧樹森琅玕前峯復中斷白雲時獨還巖戶

翠且懸皎坂何險巖逝將凌玉嶽勇攀追翔鸞延弟如



魏姑綽約青霞端

施閏章登太室中峰

壯士貪名山如海吞百川東遊卧日觀羲和親比肩南  
使經衡嶽霧雨悵遷延近思太華頂遠夢崑崙巔嵩高  
在睂睫振策窮攀緣結曲蛇逕緬幽陰態館穿冉冉極  
天際舉頭觸星躔宅中環四嶽一氣何盤旋風雨鬱交  
會蛟龍走連蜷樹杪忽橫練坐見黃河懸窈窕擣衣石  
淒清玉池泉引領眺箕穎巢許方陶然辛苦茂陵客壇  
時飛荒烟有爲終滅没瑤玉空雕鏹帝休味珍木帝休木名  
服之使人不怒見山海經石室闕誰傳長憐肉食者虛無求倥佯  
施閏章嵩陽漢榻

舊三株相傳漢武封三將軍大者圍三丈五尺次者  
三丈昔人謂在漢已封當是殷周時物丁未冬火其  
一矣怪時人無敬護者剝膚穿腹行就摧朽故作詩  
傳諸父老

海風折若木陰火炎崑崙天地幾反覆礪柯君獨存崑  
高護勁幹河洛滋靈根鼎立勢犄角鍊積藏踵跟彭亨  
腹臃腫攫拏枝騰鴛平岡溟鵬奮白晝蒼龍蹲韶濩時  
鏗戛日月爲吐吞漢武昔封禪雷殷萬乘喧維時盛宮  
觀金碧被邱樊上撐珠殿照下蔭翠華翻天子動顏色  
錫封匪濫恩陵谷改朝暮連薨無寸垣數千年碩舊惟

爾曹中原前有開元碑區區矗立軒軒其辭出林甫穢瑣

不足論典型爾獨古正氣可乾坤岱松大夫輩俯視城  
兒孫自非闕里檜不肯讓利尊豚酒勤父老叫嘯來鸞  
猿其神長數丈建纛擁朱藩左手佩鉞斧右手垂藥鞭  
出入衛中嶽自稱臣大籓古道日隕替瓦缶看與璠我  
來肅長揖將軍向我言余已經百戰鎧甲攢瘢痕近曾  
決劉項遠則從軒轅小人不解事黜恩羣攀援剝膚肆  
剝削受侮心煩冤帝怒命祝融收一先燒燔吾儕逃當  
化蛻蛻升天關子頗識文字爲我紀混元杜韓不再出  
製筆誰飛鷗再拜陳荒辭風起黃雲昏

施閔章過箕山

西嶽薦有鰥歷試微厥德許由何如人揖讓乃孔亟洗

洋溱園語後世爭耳食荒墳終茫茫萬古誰能識潁水  
今清冷箕山多傲色擲瓢與洗耳音徽如何卽長嘯  
崇岡清風翔八極

施閩章石淙

谿傍交礪底箏瑟響林表誰使尋丈間殫茲開鑿巧水  
石相盤紆眺聽忘昏曉清飛玉井寒綠割湘潭小始至  
駭噲吟靜對歸窈眇飲流睇猿挂劃沙見虎瓜靈異漏  
水經境幽來跡少庶幾箕穎徒與其觀魚鳥

以上愚  
山集

王鑑嵩陽三栢漢封之其來莫紀

嵩陽有古栢歲月莫可度亂屈幾千年氣宇生寥廓傳

曰漢所封或者得其略穆和章德厚體崇結盤錯大德

必昌榮神鬼不能擾無乃自爲政廣澤乎文學嶽靈裕  
滋息天命爲骨格性情處所存俯仰而自若非散木之  
儔幸逃於斧鑿屯潛納風雷聲響擘幽壑陰陽庇以善  
盤基匪云薄上不巢暮鳩下當有大藥頽頽若昆季亭  
次相錯落武帝加隆禮隆之以圭爵萬世所瞻仰時見  
飛神霄閱盡古今人將以爲木鐸

大愚集

潘耒中嶽廟

嵩山無旁支傑立勢雄特一舍遠見之蒼然太古色漸  
近出衆峯嵒峩不欹側峯前碧琉璃嶽神廟翼翼唐封  
制猶新漢表闕未泐入門趨廣庭穹碑森崩劣交陰古  
栢青對立金人黑殿敞如王居神尊分帝識嶽於天地

問萬古有恒德端拱朝百靈  
曷民惟正直肯以萬歲呼  
滋彼驕主惑從官諂可嗤  
奉邑神豈食歷代侈褒封人  
爵非天則偉哉明高皇羣神  
號竝革嶽瀆用本名推崇  
此爲極興朝肅明禋春秋祀  
不忒大事必告虔丹青炳  
嚴飾方今苦旱暵焦原神所  
惻急爲鞭蛟龍甘霖救嘉  
稷更願滋黃中淑靈厚培植  
篤生甫與申直道屏王國  
潛表嵩陽書院

嵩山富巖谷域中稱奧區舊爲釋老擅基布開精廬六  
室一書院孤懸久爲墟嵩陽今改築林泉占清疎地卽  
廢觀址人有先賢模當今耿先生洛下之醇儒強健謝

善及乃參以其走買日特以合功二更蒙公先光其書

說清溪謫唐虞境方猶舊版刻與鹿洞俱哲人既已沒  
斯路漸榛蕪堂館仍潔清寂寥絃誦虛珠官及梵宇久  
者千年餘人亡業不墜師弟如聯珠儒門何淡薄盛衰  
在須臾豈無敦龐士沿伊而溯洙庶其續斯緒毋令獨  
流淤

潘耒虛巖

是唐虛  
鴻隱處

唐有東漢風寵禮巖谷士盧君隱嵩山三詔強之起荷  
衣至金門長揖見天子豈真昧時宜欲以迂放耳諫議  
官不卑辭之如脫屣優禮送還山進退有終始遠勝樊  
英流虛聲爲世恥塌來訪故居巖深路宛委空谷四無  
鄰山花爛紅紫峭壁如崩雲空懸瀑布水溪清鳴珮環

石淨疊錦綺草堂依巖開古盡林壑美圖亡誌記存十  
勝可意擬俗流諒難居捨宅良有以如何田衣人苦饑  
復捨此寺荒無殿堂佛坐荆榛裏安得支遁流精廬重  
整理榻我長松根刷蒼涼石髓

潘耒測景臺

唐虞命羲和測候窮四表中邦獨闕如古制今莫曉周  
公營洛都土中乃推考陽城實地心天樞對臨照築臺  
奠坤維測日折分杪世遠制不湮崇墉可登眺土圭仍  
端完石尺更精巧恐此本古規元公非意造周官與考  
工義疏需細討九鼎既淪亡東周跡如掃獨此彝器存  
天球可同寶安得明歷人回遊洛南道洞窺古聖心



眼對穹昊

潘耒箕山

孔孟經世人汲汲稱舜禹莊列遺世人嘒嘒說巢許風  
尙雖不同意義各有取世風日澆漓名利相煎煮繩或  
競錐刀大乃爭疆土達人教以讓榮貴等腐鼠巍巍黃  
屋尊辭之輕一羽息爭而養恬風世非小稱夷齊與臧  
札傳記載楚楚何獨疑由光無人但空語遺塚徵馬遷  
流傳自上古至德豈無鄰巢樊真逸侶洗耳及牽牛倡  
予聊和汝我來訪幽踪荒祠久延佇巖高水清寒彷彿  
見睂宇世豈無逸民混迹漁樵伍龍潛戢其鱗俗客焉

得覩

以上遂  
初堂集

田雯嵩陽觀漢栢二株六首

一栢在觀前一栢在觀後我來坐披襟自朝輒至西老  
人上古槎又遇龐眉叟

其上有艾衲其下有茯苓知幾千百年未了嵩峯青吹  
笙上栢巔天風何泠泠

只假雛松肥耻同老檜癯綠淨不可唾日與風雨俱上  
有餐术人結巢道顏腴

觴咏怡我情塊然如帝江烟霞成痼疾峯巒復春撞尤  
嶮皆凡株無此龍鱗雙

嵩高來靈祇見之應相揖栢顧不重那將軍有揖客可

笑列頭銜吾爲老栢惜諺云漢封將軍栢猶之東  
爲大夫於地其事不經

何年有此栢映帶於此山雄辭山水經雕搜奚以割安

得灑與郭補註於其間

古歌  
堂集

葉封少室

少室如蓮花舒萼容四望周遭莽回互奇秀難比狀十  
步一易形儻恍眩方向杖策凌荒榛衝煙躋最上聳身  
浮雲表形超覺神王太室誠名堯雁行詎多讓黃河繞  
衣帶明滅啼滉漾東南紛異態鬱蒼穆羣嶂哀壑悄以  
深幽崖下嘗仰勝槩具此間天險觀殊壯歎息懷古蹤  
臨風浩歌放東巖雖已迷陳迹良可抗冷然披遐襟吾

意亦寥曠

景日眈望嶽

移榻得面山煙霞共昏旦縹緲飛白雲遙青望不斷仍  
見謫仙人騎雲度石岸我欲往從之惜無凌風翰吟成  
梁父詞雲影忽飛散

以上說嵩

焦欽寵輟轅踏雪

射策京洛還恰逢上元節燈月黯無光但見少室雪侵  
晨上嶽嶺嶽嶺白玉結冰花壓長林山高北風冽寒鴉  
凍不飛極目人蹤滅攀躋仗短筇俯視空一切萬籟寂  
無聲頓覺天地別翻身入畫圖心神兩澄澈

橋林詩存

劉青黎嵩岳

五岳環坤軸維嵩踞天中巋然俯萬象元氣鬱鴻蒙嘗  
疑高匪天何物撐空眺首一百盤呼吸信可通少室

老笑兀旁睨敢爭雄何況瞻樓葦羅列如兒童羣峯二  
十四皦皦攢西東天池玉女廳夙聞萃中峯黃蓋張雲  
際下覆萬歲宮迤邐却北望峭壁削芙蓉忽驚銀河落  
千丈飛白虹盧鴻渺何許岩壑尙畱蹤悄然征塗裏雲  
歸愧無從夢想九節蒲眼穿五粒松何年婚嫁畢翩然  
駕茅龍

劉青藜箕山

我行陽城道南望箕山聳古廟時層巒亂石環谷塚夜  
來微雨過蒼翠挹曙嶼潁水鳴頭綠東流日落溶溶俯仰  
有餘適行役迫塵冗緬懷岩中人魂動汗彌涌甘瓜與  
高林自足忘辱寵嗟彼終南山捷徑日相踵

以上高陽  
山人集

顧嗣立龍潭寺

野雲蕩秋旻，寒山入幽邃。巖扉苔蘚滋，中藏太古寺。老  
栢纏凌霄，花露泣新淚。小軒留清陰，日華不到地。九潭  
根虛無，照見羣龍睡。殷殷聞輕雷，孤雲向空墜。碧峯顛  
氣凝，路緬起。遐思還當候，明月寒芳與。躡翠何須杯，酒  
將灑灑心已醉。

顧嗣立嵩陽書院

緬維書院始，本在崇福宮。其名曰太室，草創周世宗。景  
祐改嵩陽，經史緝帙充。元明歷兵燹，棟宇委棘叢。嘉靖  
乃移建，故趾仍天封。俎豆祀二程，學者日漸隆。逸菴耿  
宮詹，吾道干城功。買田費家貨，學舍開蒙茸。厥裁雖不

廣教育今無窮天下書院四多與名山逢獨此秉清淑  
正位居天中潁水繞其南講堂北背崧左箕右少室遠  
近青濛濛漢栢鬼神護石柱題韓公穹碑壯巖巖林甫  
名磨礱古蹟觀不足摩挲日下春清時盛文連萬國車  
書詞中原首風氣華實須兼通研窮義理細緞鍊詞章  
工廊廟固淑世鄉黨亦潔躬山川產靈異人物多雍容  
長明孔孟學政替還披鱗

顧嗣立崇福宮

漢武老學仙方士請封禪空中萬歲聲峯下起臺殿真  
宗信天書制文親洗硯名賢司提舉御容五彩見中有  
太乙泉嵌竇流一線宛轉引流觴時仿蘭亭宴山風飄

急雨野花落如霰道流多菜色仙壇草生遍人無金石  
固勝地易遷變安得從浮邱鶴背傳芳甸

顧嗣立大法王寺

白雲冒層巒亂瀾滴疎響中藏避暑宮清景發遐想石  
砌荒金蓮織草萋以長山僧自鼓鐘絕境無人賞孤峽  
撐青天幽鳥日來往小雨滌煩囂不知秋氣爽何當候  
明月香臺一偃仰

顧嗣立嵩岳寺

孤塔立空濛蔥蘢影交積鳴玉流涓涓握衣踏澗石初  
入祇覺疲稍深意始釋初祖從西歸禪扉少行迹山花  
自開落不問紅與白玉座嵌金聲靈籟涼滅滅閑日苦



無多何用感今昔

顧嗣立會善寺

箕山臨其前，潁水流其下。  
佛寺鑿翠開，軒窗獨瀟灑。  
龍泉迸石出，滴瀝清池瀉。  
風動白蓮花，澹香消永夏。  
老僧狀貌古，愛靜言詞寡。  
太室歷招提，此地頗精雅。  
森森門前松，古色照四野。  
歲寒老空山，誰是賞心者。

顧嗣立永泰寺

公主乘雲去，白雲滿空山。  
松風吹秋月，夜夜鳴珮環。  
縹緲皇姑塔，隱見非人間。  
御砦滴嵐翠，池荒草徑閑。  
宵來小雨過，飛鳥鳴關關。

顧嗣立宿少林寺二首

山游訪古剎荆棘苦蒙密入寺眼忽明當門拱少室老  
栢翠參天疏影漏斜日碑版多唐宋斑駁映玉質廣庭  
嵐氣襲單衣驟凜凜何處發鐘聲涼飈助蕭瑟

初祖從西來逸勝乃得此九年不回頭神在石壁裏岿  
岿五乳峯青蓮吐花蕊禪門承七祖宗文自茲始更有  
繁那羅金身壯奇詭卓立張空拳見客色有喜

以上秀野  
草堂集

### 桑調元轅轅

飛云過轅轅山蹊翠曲折溪礪滙湍淙春流鳴泱泱連  
度綰嵩橋橫波卧雌蜺麥疇綠如染慈菑藹可悅坦脩  
馳道通峭隘鏃嵒嶮染平嶽嶺口石滅古車轍來往遵  
夷戾無復巖關設惟瞻少室峯青山祭行列

桑調元少室峯

崢嶸少室峯支分三十六時暉遠聯綿層嵐青簇簇近  
愛王子峯瑤艸藹豐縟石泉泄陰竇涓涓清可掬送迤  
少陽源芝田遍滲漉氤氳嶽有神曖曖雲成族冷翠妙  
林飛鸞圓鉢孟覆深院午鐘清春山萬重綠

桑調元會善寺

紆經翠栢原幽詣青蓮宇清曠恰可中煖景不常午石  
竇噴龍泉香臺下鶴羽塔影照筠房雲氣生洞戶綠巖  
樹色寒廢竈烟痕古欲坐戒壇西長廊聽春雨

桑調元啟母石和韻

吁嗟啟母石窺我殆亦偶是物應星精寒光射珠斗氣

氛連雲根淋漓蘖氣母鶯碎秋雨滴鏡扶雷霆走獸類  
劈斧皴元工無好醜縮惟開闢初儀象元黃詞大筆巨  
靈掌細啣精衛口海枯爛不免金流燦亦朽此乾黃室  
問跡著延光後鴻烈北齊譜志怪標談藪碑銘紛博冠  
宇宙無不有

桑調元黃蓋峯

東岱比中嵩黃蓋爲梁父凌霄峯勢獨峩青照神宇  
通山澤氣崇闢天地戶籠山霧作巾籠空雨如弩雲破  
青冥開風回翠栢舞淡淡掃修嵐聯娟秀眉撫

桑調元測景臺

古臺聳崑岑土圭正日景入貢均六服中又遷九鼎

荒石表歆爾霽天星冷深春芳氣濃娟月寒輝觀垣竹  
夏清聲階桐散疏影升高睇烟嵐隱隱環嵩嶺

桑調元箕山

箕山峻何極碧嵩讓岩堯許由聖之隱巢樊共超遙漠  
然視萬乘棄之如一瓢默存性貞固早激風頽澆  
非所安古塚畱巖椒空山明月靜微風息煩囂

桑調元潁水

一泓清可憐春繞箕山足鱗鱗映白雲瀟瀟滋翠竹煖  
戲泳嘗沙輕浮追屬玉如聞洗耳人沂流牽我犢龍卧  
有青山蟬蛻無黃屋澄波流至今高士見不數

以上嵩山集

胡浚游中岳六首

應龍畫九有五岳蟠其根峻層太室聳獨冠天中尊肩  
輿指仙館歷險經轅轅嵐彩互閃爍巖谷交銜吞豁登  
神宮上俯見扶桑瞰城野杳莫辨一氣春烟昏惟有濁  
河影綫曲承崑崙曠然渺六合直欲掀籠樊記得穴底  
虛宇圍開雙門俯盼極昏黑洞若壺峰屯神書在何所  
渺茫難具論高卑顯異象妙道已默存

太室

峩峩天封宮瓊宇輝峻極穿樹披鴻濛已跨玉女春渺  
然百頃池蒼茫擎孤壁嵐髓或下融石腹時旁吸源分  
天漢流不受衆流滴僧言睡龍靈下枕明珠宅風雷晴  
薄人游窺戒喧咳舊刻徵神奇請視廟柱石照影作大  
笑吾性真湛寂觀水與空等焉受聾蟲迫不如汲素纈

瀟此一泓碧日暮烟氣深坐看空山色

中天池

凌晨屏僕胥捫蘿結芒屨言尋緱氏山遂得清吹處少  
室當我心靈髻餘雙鴈畫壁啼幽禽樵蹊露深樹山礬  
落滿崖髮鬢鶴墜羽浮邱伊何人能令枯骨舉所吹本  
非笙元氣調鼎釜竇管具拙添活丹妙子午下土目如  
豆第識鳴鳳譜嗟我學仙晚腦後漏未補俯眺廬陵墳  
但悲日月古何時期青童苴勝斲斧

嶺

少室多精廬少林尤絕景寶鐸鳴天風蓮花交四映中  
庭雙靈栢龍蛇蛻遺挺聖者去已遙幻相尙螺頂下有  
白髮僧晚坐目正瞑客至從定起徧引導諸境壁觀古  
洞黑皴波捲重溟莽禮貝多香臺攀卓雪冷旁看儀鳳

碑誇半髓撻脛伊子夙觀心有無既平等形忘詎見腰  
石破曷住影衝瀑斷溪梁孤月在東嶺

少林寺

仙宮誇玉漿梵林輝寶燭不如草堂幽天然妙溪谷倒  
景凌天門雲淙暢遊目巖瀑逞鬼工散珠鬪竒玉白訝  
飛蠓昏青疑飲猿伏遙想授徒人金書此卧讀到處恒  
移時未忍遽前躅盤廻撫曲欄遺像儼脩竹堂館非故  
基銘剝亦難續惟餘金碧潭魚游仍淨綠石影誰狡獪  
雪濤皴細墨題詩和滌煩翩然下鷺鴦

盧巖

兩歇伊水寒春梁負輕裏亂流望龍門白雪尙婀娜夾  
岸厓洞深竹栢交翠鎖誰悟化天身寶髻鏤粟頰山色  
妙清淨千相本一髻堪笑題名人妄見分彼我前峰忽



陡傑梵閣竦磊砢一覽小申州千里收孤坐蕭森許山  
廬咫尺落襟左惜哉潁口深欲往時未可名山信有緣  
終期結勝果稍待秋林霜更泛潛溪舸

千佛巖  
蘿山莊集 綠

朱佩道遙谷

霜葉忽飛紅西風撼疏木蕭然澹客心逍遙此空谷仄  
徑石盤迴流泉聲斷續屋畱雲半間嶺連天一握遐思  
焦鍊師潛光學辟穀

朱佩石淙三首

清音響淙淙意想澗欲到疾趨轉絕岸方驚聞見好聽  
空石森森爭峽水浩浩石邀水潺湲水奔石排鼻徘徊  
水石間宛疑入蓬島畱連斯游最津逮悔不早

石勢何龍嵒杈枒各雄長峰峰絕攀躋屹立不相讓  
笑起立波中扼此泉之吭巔有如砥平呼朋挈榼上雙崖  
關崢嶸石氣青盎盎幽賞發長謠情志故滌蕩

關如高高水暢茲平洛流振竒一林石水勢寒悠悠瀨  
淺若相媚峽束奔趨稠三峰屹砥立激浪何其道車臺  
雷震中異態紛紛相投晨夕水中央羨此灘前鷗

以上排  
山集

七言古詩

唐宋之間下山歌

下嵩山兮多所思攜佳人兮步遲遲松間明月長如此  
君再遊兮復何時

土無競和宋之間下山歌

日云暮兮下嵩山  
路遠絕兮松石間  
出谷口兮見明月  
心徘徊兮不能還

賈曾和宋之問下山歌

良遊曉晚兮月呈光  
錦路逶迤兮山路長  
王孫不留兮歲將宴  
嵩巖仙草兮爲誰芳

李白元丹邱歌

元丹邱愛神仙  
朝飲潁川之清流  
暮還嵩岑之紫烟  
三十六峰長周旋  
長周旋躡星虹  
身騎飛龍耳生風  
橫河跨海與天通  
我知爾遊心無窮

盧鴻一嵩山十志十首

新序

草堂

草堂者蓋因自然之溪阜前當塘池資人力之締構  
後加茅茨將以避燥濕成棟宇之用昭簡易叶乾坤  
之德道可容膝休閒谷神同道此其所貴也及廢者  
居之則妄爲剪飾失天理矣詞曰

山爲宅兮草爲堂芝蘭兮葯房羅靡蕪兮拍薜荔莖壁  
兮蘭砌靡蕪薜荔兮滅草堂陰陰邃兮馥馥香中有人  
兮信異常讀金書兮飲玉漿童顏幽操兮不易長

### 倒景臺

倒景臺者蓋太室南麓天門右崖傑峰如臺氣凌倒  
景臺登路有三處可憩或曰三休臺可以邀馭風之  
客會絕塵之子超逸眞盪遐襟此其所絕也及世人

天門豁兮仙臺聳傑屹舉兮零傾湧窮三休兮曠一觀  
忽若登崑崙兮中期汗漫仙聳天開兮倒景臺薰灑氣  
兮軼曩埃皎皎之子兮自獨立雲可朋兮霞可吸曾何  
榮辱之所及

樾館

樾館者蓋卽林取材基巔拓架茅茨居不期逸爲不  
至勞清溪娛賓斯爲尙矣及盪者鄙其隘闕苟事宏  
涵乖其實矣詞曰

紫巖隈兮青嶽側雲松烟葛兮千古色芳霍蘼兮蔭蒙  
瀟幽人構館兮在其中覆藤葉蘼兮開樾館卧風霄兮

坐赭旦粵有賓兮時辰建樵蘇不爨兮清淡已永歲終  
期兮常若此

枕烟庭

枕烟庭者蓋特峰秀起意若枕烟祕庭凝虛冒若仙  
會卽楊雄所謂爰靜神遊之庭是也可以超絕紛世  
永潔靜神矣及機士登焉則察閭恍惚愁懷情累矣  
詞曰

臨洪漭兮背青熒吐雲烟兮合宵冥悅歛翁兮杳幽謁  
意縹緲兮羣仙會宵冥仙會兮枕烟庭疏魂形兮凝視  
聽聞夫至誠必感兮祈此巔契顯氣兮養丹田終符儼

兮觀靈仙

雲錦淙

雲錦淙者蓋激溜衝攢傾石叢依鳴湍疊濯噴若雲  
風詭輝分麗煥若雲錦可以瑩發靈矚幽玩志歸及  
匪士觀之則反曰寒泉傷玉趾矣詞曰

水攢衝兮石叢聳煥雲錦兮噴洶湧苔駁犖兮草賁綠  
芳羃羃兮瀨濺濺水口攢叢兮雲錦淙波連珠兮文杏  
峰有潔員者媚此幽漱靈液兮樂天休實護我心兮夫  
何求

期仙磴

期仙磴者蓋危磴穹窿迴接雲路靈仙髣髴若可期  
及儒者毀所不見則黜之蓋凝冰之談信矣詞曰

石鼓集卷二十一  
言  
霏微陰壑兮氣騰虹迤邐危磴兮上凌空青霞杪兮紫  
雲垂鸞歌鳳舞兮吹參差鸞歌鳳舞兮期仙磴鴻駕迎  
兮瑤華贈山中人兮好神仙想像聞此兮欲升烟鑄月  
煉液兮竚還年

滌煩磯

滌煩磯者蓋穹谷峻崖發地盤石飛流攢激積漱成  
渠澡性滌煩迺有幽致可爲智者說難爲俗人言詞  
曰

靈磯盤礴兮漚奔錯漱冷風兮鎮冥壑研苔滋兮泉珠  
潔一飯一憩兮氛想滅磷漣清淬兮滌煩磯靈仙境兮  
仁智歸中有琴兮徽以玉峩峩湯湯彈此曲寄聲知音



兮同所欲

纂翠庭

纂翠庭者蓋崖巘積陰林蘿杳翠其上繚幕其下深  
港可以王神可以冥道矣及喧者遊之則酣諱永日  
三湘精薄厚詞曰

青崖陰兮月磻曲重幽疊遠兮隱淪躑草拊綿幕兮翠  
蒙龍當其無兮庭在中當無有用兮纂翠庭神可王兮  
道可冥有幽人兮張素琴白玉徽兮綠水音德之愔兮  
澹多心

洞元室

洞元室者蓋因巖作室卽理淡元室返自然元斯洞

矣及邪者居之則假容竊吹妄作虛誕竟以盜言詞

曰

嵐氣肅兮巖翠冥室陰虛兮戶芳迎披蕙帳兮促蘿筵  
談空空兮覈元元蕙帳蘿筵兮洞元室祕而幽兮真可  
吉返自然兮道可冥擇妙思兮草元經結幽門兮在黃  
庭

金碧潭

金碧潭者蓋水潔石鮮光涵金碧巖葩林藹有助芳  
陰鑿洞虛道斯勝矣而世生纏乎利害則未暇遊之

詞曰

水碧色兮石金光灑熠熠兮澹渟渟泉葩映兮烟藹臨

紅灼灼兮翠陰陰翠相鮮兮金碧潭霜天洞兮烟景涵  
有幽人兮好真絕炳其煥兮凝其潔悠悠千古兮長不  
滅

李願少室雪晴送王寧

少室衆峰幾峰別一峰晴見一峰雪隔城半山青連松  
素色峩峩千萬重過景斜臨不可道白雲欲盡難爲容  
行人與我翫幽境北風切切吹衣冷惜別浮橋駐馬時  
舉頭試望南山嶺

高適送楊山人歸嵩陽

不到嵩陽動十年舊時心事已徒然一二故人不復見  
三十六峰猶眼前吟門三月柳條色流鶯數聲淚沾臆

不韋集卷二十一  
三  
鑿井耕田不我招知我以此忘帝力山人好去嵩陽路  
惟余眷眷長相憶

白居易送張山人歸嵩陽

黃昏慘慘天微雪修竹坊西鼓聲絕張生馬瘦衣且單  
夜扣柴門與我別媿君冒寒來別我爲君沽酒張燈火  
酒酣火煖與君言何事入關又出關答云前年偶下山  
四十餘月客長安長安古來名利地空手無金行路難  
朝遊九城陌肥馬輕裘欺殺客暮宿五侯門殘茶冷酒  
愁殺人春明門前便是嵩山路幸有雲泉容此身明  
日辭君且歸去

宋之問嵩山天門歌

登天門兮坐盤石之礚礚前澁澁兮未平下漠漠兮無  
垠紛窈窕兮巖倚披以鵬翅洞膠葛兮峰峻嶮以龍鱗  
松移軸轉左變而右易風生雲起出鬼而入神吾亦不  
知其靈怪若此願杳冥兮見羽人重曰天門兮穹崇廻  
合兮攢葉松萬接兮拄日石千尋兮倚空晚陰兮足風  
夕陽兮赭紅試一望兮奪魄况衆妙之無窮

宋歐陽修戲石堂山隱者

石堂仙室紫雲深潁陽真人此算心真人一去升寥廓  
歲歲巖花自開落我昔曾爲洛陽客偶向巖前坐磐石  
四字丹書萬仞崖神精之洞鎖樓臺雲深路絕無人到  
鸞鶴今應待我來

金李純甫嵩山怪松謠

阿誰裁汝來幾時輪囷擁腫蒼虬姿鱗皴百怪雄牙髭  
拳空天矯蟠枯枝疑是秘魔巖中老慵物旱火燒天鞭  
不出睡中失却照海珠羞入黃泉蛻其骨石錯沙鏽汗  
且僵埋頭卧角政摧藏試與摩娑足何似怒我棖觸鬚  
髯張壯士囚縛不得住神物世間無著處隄防夜半雷  
破山尾血淋漓飛却去

明陳棐三將軍古柏歌

昔摩東嶽大夫松今觀中嶽將軍柏偃蓋影走老蛟青  
怒濤聲瀉寒空碧扶疎掩映嵩陽宮仙蹕曾經漢武封  
灑雨霜皮合六抱凌霄秀色敵群峰嵩峰靈氣來千古

神降生申應生甫英賢鐘毓應人文遺靈孕出將軍武  
尚父八十舊膺揚方叔元老總戎行此柏正同三代將  
豈爾秦漢可比量貞心早際風雲會勁節會依日月光  
龍虎踞蟠稱得地麒麟殿閣待傳芳老來閒退嵩山前  
顏色蒼古風韻全金鎖綠沈拋暮景深巖靜壑得還年  
君不見三鶴峰蒲山明月鶴無蹤又不見三花樹花落  
秋風不知數惟有將軍三柏幾千秋壽過子晉邁浮邱  
將軍將軍天下稀才大真成與用遠誰能移置廟堂上  
莫使風霜冷鐵衣

李夢陽鄭生山遊歸余作此歌

跋予望之六六峰欲往爭奈今巖冬石林崎嶇積雪盛

日中無烟虎豹病生也孤往胡所希凍攀幽險探其微  
手皴面疲逾旬歸太室少室何者竒曾否首陽歌采薇  
北邙逶迤清洛遠天白水崇伊闕晚灞上驕驢爾靡辱  
衰安高卧吾應覩忽然想生經行宋家陵往來寂寞東  
西京翹首淚下嵩山青

吳三樂嵩山高

望嵩嶽兮乃在伊洛之浦箕穎之隈龍嵒萬仞何竒哉  
盤礴中頂橫九垓陰陽昏曉多變態吐吞日月相縈迴  
翠屏孤聳排丹障二室東西宛相向諸峰却立如欲摧  
削去芙蓉千萬狀紫峰高處從中起瑤臺紺宇白雲裏  
古松偃蹇不知年溪流惟見石齒齒有峰六十信挿天



森森劍戟自蜿蜒玉女青童遞隱見紫微黃蓋生雲烟  
上有三花之古樹下有百丈之飛泉晴空片片灑寒雪  
飛蘿懸瀉如珠連我欲乘風到絕頂恨無羽翰愁攀緣  
策杖徘徊日將午倏忽陰雷散輕雨長風爲我捲浮雲  
飛來倒挂巖前樹振衣宛轉陟層巔四顧茫茫小寰宇  
神僧面壁人不知仙子吹笙鶴自舞卽欲舉手探月窟  
廣寒彷彿見銀闕醉把金壺餐綺霞坐看玉鏡邀明月  
入石室卧雲門剴然長嘯如雷奔山鬼倚巖笑山鳥繞  
樹墮靈怪恍惚不可測更從何處問真源君不見周家  
申甫元非偶詩云嶽降理或有又不見盧鴻巖下草木  
春卜居偏傍洗耳人吁嗟乎靈山自是毓精英古來高

士留其名秀色攬結真堪把而我豈終軒冕者紅塵白  
馬竟何爲不如棲息此山下出山日落迷烟霧回首恐  
失桃源路他年倘得伴松筠買山還許畱詩賦

趙南星送友人遊嵩山

豫昔騎龍遊嵩山三十六峰飛紫烟元鶴化爲白玉童  
爲報子晉來躡蹻道我何事久不至共傾金液長松前  
子晉爲我歌鳳凰爲我鳴妙音不可辨隨風滿太清殷  
勤畱我住瑤闕雲中揮手風前發徑須身致宇宙平然  
後於此鍊真骨石上空畱紫茸花林中長挂青天月誰  
知世是多錯迓塵沙空短英雄髮時望嵩山雙涕流蓬  
君今向嵩山遊附爾破山之寶劍鳳食石髓延千秋

我致聲山中客明當歸來同雲石

國朝張汧題玉砦山

青嶂壁削分曠蕭插嵩之陽高峯巽神光坐定天山龍  
鹿馬巋巋撼煙霄雙峰碧透婆婆頂上有雲梯百尺橋  
冲藏元霧陰封石麟龍鬣隼生寒朝嶠虬棧複不可攀  
委研吼壑落霜條血暈毛骨支黃土大似不周長風颭  
維時啣馬鉦歌地始付樵郎卻詵謠安得拂袖凌霞表  
時與錮子聲招招

葉封鐵梁峽

我聞嵩山曰如卧得坤之體直方大以擬其巔或坦乎  
不知巖叡殊縱橫綠岡陟磴路忽狹小大稱名鐵梁峽

崖崩礪絕天地懸欲斷平斷如絲聯此謂遙腰度山脈  
亦如劍脊分中邊小峽歎傾勢偪仄斗然劈破千尋直  
太峽豁舒乃更竒凌空巨石相撐枝宿雨常侵紫苔澀  
霾雲暗度烟蘿垂是時秋盡天瀟灑俯瞰寒光射村野  
若走驚泉倒叡流從知積雪畱崖下峽上巉巖開翠屏  
其陽可憇無茅亭下看絕壁臨廖廓萬丈青蒼鬼斧削  
却顧疑身倚絳霄徒虛假羽騎黃鶴

焦賁亭盧巖行

峰迴絕壁鬼斧圻鑿破天門天漢瀉千崖照曜挂長虹  
噴月浣雲灑龍液龍氣飛來冷霧腥猿啼溪流喧不寧  
須臾寒壑風習習吹散遊絲飄冰襲我欲翦之作羅罽

鮫人停棹倚嵐泣危磴斑斑綉紫黛躡蘿古龕在  
洞花遙落點翠林怒崖顛松皆生態隱隱谷口處士莊  
盈盈碧水洗石牀載酒酣歌興未已玉女峰頭砧夜長  
乘興衝煙凌蒼蒼寒雲遶飲傾霞漿佩聲珊珊號吾狂  
敢介賦得嵩山爲比隣

我生嵩山下在再六十春始而流離瑣尾之艱辛旣而  
宦海風波之浮沉繼而疾病藥餌之侵尋邇來結廬嵩  
山麓得與嵩山爲比隣朝夕相與情最真我去兮山黯  
澹我來兮山精神二十四峰峰峰秀環列皆我之同人  
有時風氣正氤氳有時谷口多閒雲有時清風響萬籟  
有時晚霞對夕曛有時皓月映虛巖有時積雪載層岑

有樹兮巢白鶴有水兮游素鱗客至兮澄泉可煮布席  
兮綠莎成茵溪邊可以談道石上可以垂綸丹崖碧磧  
幽壑深林不論早暮不擇晴陰不拘寒暑不分主賓磅  
礴終日相對忘言而莫逆於心其端方正直之槩特立  
不撓儼然示我以行道先立身而長育羣彙萬物欣欣  
又隱然示我以造化生物之仁我豈樂山而得山之性  
情兮相與或默或語或往或來而或屈或伸抑優游養  
拙木石爲侶兮麋鹿爲群自同於聖世之逸民恐後來  
者嘆問津之無路兮聊以此詩持贈君

景星題疊石溪圖

溪中惟石蒼苔護崖客歇嵌縱橫布溪光陸離溪樹深

盤曲轉側尋溪路飛瀑倒瀉捲石來  
鉤磔一聲風雨注羣峰爭爲溪作障  
峰頭雲落溪田上雲裏有停翼然出  
窺溪傍崖參差向中有幾竿青翠竹  
荒藤委蛇蟠野木荷風徙倚高低池  
似飛清芬媚幽獨石霞可飡泉可煮  
林密如織鳥應語溪口桃杏年年紅  
此地秦人不知處  
冉覲祖遊盧巖

入蘧谷兮畱連經廢寺兮惘然日中  
方兮赫赫觀瀑布兮無緣躡石根兮  
窘余步石巖巖兮障青天中凹兮承  
雷舒兩翼兮拱而前起鱗鱗兮橫理  
鬱鬱兮盤旋將舉似兮莫狀箕之張  
兮蚌之懸面蒼苔兮無色俯綠潭兮  
欲乾安得時雨兮傾注落銀河兮涓  
涓碾珠玉兮寔震

曳綃穀兮風牽徒懷想兮不見頂後遊兮年年

焦欽寵漢柏行

君不見天封觀裏有古柏森森矗立嵩之宅仙蹕曾經  
漢武封至今將軍畱勝跡參天拔地老龍鱗枝如虬無  
根如石拏雲攫雨飽風霜滄海桑田翻朝夕上翔翩翩  
之元鶴下埋礪礪之琥珀疑是鬼神之所呵護造化之  
所秘惜不然雲臺麟閣安在哉獨餘將軍挺立天中而  
不回重爲告曰栢兮栢兮爾負堅剛正直之奇才貞心  
勁節壯猷雄烈胡不乘時利用於廟廊之上而乃盤根  
錯節乎嵩邱長嵩萊使人俯仰千古兮重徘徊

景日吟漢將軍栢



蟠空老樹揭天目小者五圍大者七鐵根石枝不記年  
見之駭然而悚栗我有靠樹讀書屋青陰連牖蕭穆穆  
寒輝靜籟生碧虛竒情惟魄相感觸花晨月夕坐其下  
萬姿千態具變化根株有時屯白雲嘯響有時鳴靜夜  
有時梳風氣芬郁有時咽雨光四射參參嵯嶮不可狀  
鼇拳巖躩爭相向偃蹇沉鬱蝕莓苔森械應有鬼神傍  
或則斜鋪而倒折或則桀傲而凜冽有如波濤之翻浪  
亦若巖岫之嵯嶮浩然天地無古今荒寒寂寞存老潔  
幽芒冷焰滿長空將軍之號應不屑吁嗟乎此栢苦生  
市肆衝朝紅暮紫粉其容鮮不摧墮埋塵上焉能凌鏤  
老嵩峰君不見報國寺裏松

劉霖恒遊嵩少畱別焦錫三高玉書

思潁水兮清漣望嵩岑兮紫煙仰白日之朗照掃輕風  
兮儵然三十六峰當我前願得竦深飛翼兮長周旋  
芙蓉蒼雙池邊看花滿地呼神仙登君之堂飲君酒邊  
也吹竽兼擊缶披襟解帶怡我情開心寫意君知否一  
杯一酌聽我歌與爾盤桓嘯傲山之阿仙臺鬱兮縹緲  
招白雲於薜蘿撫百圍之古柏心衷徊而遠職王孫不  
畱兮將奈何

劉景耀漢柏

翠柏不好武經年老風雨甲繡綠龜紋戈揮元鶴舞漢  
主旌旗去不回將軍鼎立碧山隈誰憐邊地龍沙月每

逐秋深雁影來

呂履恒柏樹將軍歌

嵩陽童童三古栢傳封漢武東巡日翠花已去二千秋  
黛色常縣三百尺大者植枿如怪石八人又手圍不得  
數旁甍橫五畝陰縣崖飛峽傾我側最后一株彌少年  
斑白亦是萬年物三十六峯削碧空何來華嶽三峯立  
龍盤虎睡蒙雪霜蒼翠中間鱗瓜出元氣茫茫太古形  
根株應始乾坤闢青天時流江海聲白晝忽驚雷雨集  
一見東都天地清幾看洛邑烽烟黑大夫松已失秦封  
處士何由披漢德惟爾桑滄閱世深鎖磨日月情蕭瑟  
鳴噫嘻將軍之質何嶽嶽蒼苔斑瀟無威儀螻蟻全蝕

侵香骨野火半燒無霜皮朽蓋不中斤斧顧文彩焉用  
章身爲老成豈是雲中守百戰生還成衰叟天地獨爾  
鸞鳳枝靈嶽潛驅魑魅走萬古宅遺不見春洛陽花樹  
矜桃柳將軍雖受武皇封投匭不改貪天功日邊回首  
長安空茂陵無樹悲秋風

呂謙恒遊石淙

飢山磳硯疑無路披盡蒙茸向烟霧澗水淙然忽有聲  
斷崖石罅相回互其下深潭一千尺俯視蒼黑不敢立  
夜半時聞雷雨鳴潛虬跋浪或出入激湍噴薄結輪風  
虛洞盤回若履空靈怪應從天地闢嶽崎不與斧鑿同  
捫壁穿雲歎竒絕古碑剝落苔蘚色妖后當年駐翠華

詞臣扈從爭珥筆，與跡宜爲聖明巡。赤文綠字鐫青  
嗟乎石淙多此名，箕山潁水空相惜。十年真負海  
徒倚高天生，遠思歸來月照松。窻明夢中猶繞雙峯  
焦賁亭天門

太室中峯西迤邐，兀然兩巖相對峙。朝雲悄恍渺無端，  
似覺置身翠微裏。徐行將次入天門，石勢欹傾無定理。  
崖腹中邊具小天，容頭納足側雙耳。石根至此漸難夷，  
十步之中生驚喜。怒貌伏兕守元闕，髣髴羣真朝玉几。  
幽竒盡說造化工，何年五丁斧所庀。白雲千載遊人心，  
神仙杳矣不可尋。風前長嘯客歸去，空餘靈壑揚好音。  
耿介三將軍歌

山之石何嶙峋水之洄何逶迤中有大樹鼎足分云是  
漢封三將軍力拔地軸勢掠雲盤薄川嶽氣氤氳枝如  
蒼虬抉幹似青崖裂雷震之所焱轟陰陽之所膠結魍  
魎遁跡狐兔莫穴爾乃高秋夜半悲風急鞭打豨貅生  
霹靂細者蹂躪堅者摧迅掃中原無鋒鏑君不見衛霍  
功貳師績英雄千古空寂歷惟有嵩陽此物矍鑠真罕  
敵鐵幹撐撐凌峭壁

耿介詠書院紫薇

太極洞口石嶙峋中有紫薇花樹不知閱歷幾千春風  
雷震盪霜雪侵尋牧豎雜沓野火逡巡而挺然獨立竟

陽書院特與雙柏爲比隣其所守彌正所見彌真外侮  
之來不溜不磷外誘之來不屈不伸雖則索居亦不離  
羣餐元氣之渾灑沐大造之氤氲若乃序屬祝融陽德  
方亨天地變化品物流行包含蘊蓄光大含宏向皎皎  
志烈日以發舒其青英迨夫時當收斂則湛然寂然而  
不改其爲幽人之貞紫薇紫薇吾不取爾之文采而獨  
取爾之情性膚潤而澤葉秀而清素枝矯矯孤幹亭亭  
枝蔥蒨而扶疎根深厚以堅凝朝夕與爾把晤欣同道  
以爲朋昔爾曾對紫薇郎繚繞鑪烟惹御香今日咫尺  
三公石潺湲流水傍宮牆不知爾者以爲昔何行今何  
藏變通隨時於何不臧推爾之意則惟遜世無悶確乎

其不可拔而闔然日章

景日珍觀唐王告少林寺教

少林古碑密如櫛高下豎仆各爲質松柏掩映發幽光  
大半出自名人筆中最盛者惟漢唐蘇斑剝蝕不可悉  
我來碑下聊盤桓深垣老樹秋風寒山僧指點某某蹟  
碑前碑陰盡情看石缺斷文解大意尋行逐句刮苔癢  
東廊有碑轟丈餘黝光凝重覆前除古色絕似三代物  
額篆紀年貞觀初傳聞寺僧曾從戎昔年協擒王世充  
太宗因之嘉丕績御書宸翰出九重南壁勒有賜田碑  
至今輝耀踰鼎鐘我爲縮目一再讀當年情事如可掬  
艷稱釋迦爲聖神說偈頌咒尊天竺嗟噫呼秦漢而下



無傳道正學荒榛倡佛老蓬萊東島煉九丹蓮花西域  
證三寶特加尊崇曰我師周孔之道有如埽噫呼五乳  
峯下碑不朽終唐道術成稂莠縱今髡徒頌明聖不如  
歸諸無何有

景日吟登萬歲峯

千山影壓野寺暮更踏巉巖尋樵路嵐光出沒隨雲開  
崩坡滑石不可步荒崖斷岸一徑通寒磔遠近相回互  
峯半橫石勢崑崙蒼紅老碧蟠枯樹樹杪登石聊長吟  
煮雪石巔涼烟聚努力攜榼上山椒野嘯山答聲若呼  
地僻狐窠隨處林峯高人憑數重霧當年武帝曾駐驂  
輦道霜雪知幾度峯頭傳說有神仙我來倉猝無所遇

惟聞空澗響暗泉遙睇灑楚含太素

張漢嵩山漢柏歌

漢時童童三古柏傳至明終伐其一云是當時三將軍  
天子崇封威名烈我瞻此柏堅且凝有如端委垂紳廟  
堂立竝竝干尋棟梁姿何因不晉三公秩表此清風與  
直節胡爲不相胡爲將使執干戈衛社稷爾時漢皇貪  
戰爭芻草摧殘民命輕分提三軍勅此樹將勿驅役草  
木盡神兵名器從來不假人柏擬將軍似不倫有如食  
祿不畫策空擁虛名負將軍將軍無功徒有名功名無  
敗亦無成乃知古來聞道者形如槁木得長生

焦欽若箕山訪許由墓

高陽東南爲箕山翠屏橫列境幽闕林壑靜美烟霞渺  
潁水繞趾流潺湲越昔許山隱其巔至今一家猶巋然  
令名千載日星炳讓德君能開其先遠避神堯謝九州  
邈矣孤秉復焉求禹益從茲步芳躅微聖繼之孰與儔  
其時巢父與樊父發言自詡尚非伍或傳封公配五嶽  
知應不受甘草莽乃有周南太史公尋山登臨仰高風  
更有游巖田處士願托東鄰師遐踪清操卓爾真堪企  
莫謂荒唐無是事我來憑吊去還畱俯仰今古發長唱  
君不見世人轆轤塵網中攫情名利徒夢夢誰能浮雲  
視富貴超然物外絕塵蹤又不見終山托跡盜虛聲山  
靈移文誚平生誰能冥鴻翔霄漢飄然不爲鷄鶩營

懷貞士抱清修胡弗私淑與古遊  
揮斥乾坤齊得喪  
訪箕山飲上流  
嗚呼胡弗私淑與古遊

鄧錦盧巖觀瀑

盧巖廢寺埋青霧古瓦久遭蒼鼠妬  
朱甍剝落半塵封  
殘碣都付蛟螭護我來還尋翠亭空  
山蕭瑟泉聲注  
神工何年鑿大荒珠璣錯落如噴吐  
直下鮫綃簾乍垂  
風迴起作銅盤露上有石磴名期仙  
扳荆拉藤陟巖路  
遙瞻許昌王氣消巉崖陡同心膽怖  
大熊兩脚若爲來  
曲緣樵徑穿林度  
砲磕一聲走雷霆  
翻盆驟雨山靈怒  
千峯縱橫玉龍飛  
萬縷閃爍金蛇布  
地軸震撼瀑勢雄  
黃河倒向三門赴  
驚濤擘捲錢塘潮  
飛珠遠沐山頭樹

噫嘻乎我聞匡廬掛流三千丈奇恣喧傳青蓮賦嵩高  
有水亦倒懸此時奔激莽回互寄語楚天袁石公山水  
從來有真趣逸勝他年蠟屐空面目卽今逢其故痛飲  
無妨歌嘯狂人生何事不關數

郝錦過五司寨弔成五景公

明季祖將屋四海起烽烟廊廟無長策草野有名賢草  
野名賢曰景子潢池弄兵爲已恥挺身與國掃欃槍結  
連鄰寨爲唇齒奮劍爭先胆氣豪英標直共嶽雲高天  
地震動鬼神泣風聲鶴唳紛遁逃禽逃獸遁不敢顧西  
山半啣白日暮城頭垂綬待公登我公諭衆使先赴自  
謂鋒屯已解圍豈料烏合來半渡漫空矢石風雨交壯

哀哀歌薤露吁嗟乎我公伏羲奠一方壕邊此日先  
采亡名光天漢氣凜霜我來猶聞俠骨香歎息今人不  
知古殺身成仁徒虛語乾坤正氣仗公扶千秋高節誰  
與侶荒原徙倚弔忠魂惟見青燐委黃土杜鵑血盡月  
寒涼踟躕不覺淚如雨

登封縣志卷二十九

太常寺博士洪亮吉

同纂

登封縣知縣陸繼萼

麗藻錄

詩五律

唐駱賓王登石門

層巖遠接天絕嶺上樓煙松低輕蓋偃藤細弱絲懸石  
明如挂鏡苔分似列錢蹇策爲龍杖何處得神仙

沈佺期獄館

洞壑仙人館孤峰玉女臺空濛朝氣合窈窕夕陽開荒  
澗含輕雨虛巖應薄雷正逢鸞與鶴歌舞出天來





宋之問幸少林寺應制

紺宇橫天室，廻鑿指帝休。  
晴陰迎日盪，春氣抱巖流。  
空樂繁行漏，香烟薄綵遊。  
玉膏從此泛，仙馭接浮邱。

孟浩然陪張丞相嵩陽樓

獨步人何在，嵩陽有故樓。  
歲寒問耆舊，行縣擁諸侯。  
林莽北彌望，沮漳東會流。  
客中遇知己，無復越鄉憂。

孟浩然遊精思觀迴望白雲在後

出谷未停午，至家日已曛。  
迴瞻山下路，但見牛羊羣。  
樵子暗相失，草蟲寒不聞。  
衡門猶未掩，佇立望夫君。

孟浩然汝墳寄盧徵君

行乏憇余駕依然見汝墳洛川方罷雪嵩嶂有殘雲  
曳半空裏溶溶五色分聊題一時興因寄盧徵君

李白口號贈盧徵君鴻一

陶令辭彭澤梁鴻入會稽我尋高士傳君與古人齊  
雲卧雷丹壑天書降紫泥不知楊伯起早晚向關西  
祖詠中峰居喜見苗發

自得中峰住深林亦閉關經秋無客到入夜有僧還  
暗閣泉聲小荒岡樹影閒高牕不可望星月滿空山

韋莊潁陽縣

琴堂連少室故事卽仙蹤樹老風聲壯山高巖候濃雪  
多庭有鹿縣僻寺無鐘何處雷詩客茅簷倚後峰

鄭谷題嵩陽隱者居

豈易訪仙蹤，雲蘿千萬重。  
他年來卜隱，此境願相容。  
亂木林中路，深山雪裏鐘。  
見君琴酒樂，回首興何慵。

王維歸嵩山作

清川帶長薄，車馬去閒閒。  
流水如有意，暮禽相與還。  
荒城臨古渡，落日滿秋山。  
迢遞嵩高下，歸來且閉關。

褚朝陽登少室山寺

飛閣青雲裏，先秋獨早涼。  
天花映窗近，月挂拂簷香。  
壑三峰小，黃河一帶長。  
空聞指歸路，煙處有垂楊。

王績田家

家住箕山下，門枕潁川濱。  
不知今有漢，唯言昔避秦。  
琴

伴前庭月酒勸後園春  
自得中林士何忝上皇人  
岑參澹水東店送唐子歸嵩陽

野店臨官路重城壓御堤  
山開瀾水北雨過杜陵西  
歸夢秋能作鄉書醉嬾題  
橋回忽不見征馬尙聞嘶  
劉長卿送靈澈上人歸嵩陽蘭若

南地隨緣久東林幾歲空  
暮山門獨掩春草路難通  
作梵連松韻焚香入桂叢  
唯將舊瓶鉢却寄白雲中  
戴叔倫遊少林寺

步入招提路因之訪道林  
石龕蒼蘚積香徑白雲深  
雙樹含秋色孤峰起夕陰  
屣廊行欲遍回首一長吟

權德輿送李城門罷官歸嵩陽

與君相識處吏隱在墻東  
啟閉千門靜逢迎兩掖通  
罷官多暇口肄業有儒風  
歸去塵寰外春山蘭枝叢

劉禹錫送盧處士歸嵩山別業

世業嵩山隱雲深無四隣  
丹爐燒姹女酒甕貯賢人  
晚日華陰霧秋風函谷塵  
送君從此去鈴閣少談賓

白居易早春題少室東巖

三十六峰晴雪消嵐翠  
生月留五夜宿春引四山行  
遠草初含色寒禽未變聲  
東巖最高石惟我有題名

白居易夜從法王寺歸嶽寺

雙刹夾虛空綠雲一逕通  
似從忉利下如過劍門中  
燈火光初合笙歌曲未終  
可憐獅子坐昇出淨名翁

采茶襄嵩陽道中

千里動秋意，縈迴登古原。山樵斲晚日，野火著松門。鐘磬出隣寺，牛羊下遠林。振衣歸去好，塵事壓如繁。

金元好問少室南原

地僻入煙斷，山深鳥語譁。清溪鳴石齒，暖日長藤芽。綠映高低樹，紅迷遠近花。林間見雞犬，直擬是仙家。

明王寵和黃勉之懷嵩嶽寺

嵩山有瑤草，白玉如膏流。何日攀緱嶺，相攜卧石樓。吐雲騰斗極，飛翠滿神州。笙鶴飄飄去，清天子晉遊。

許完登五乳峰

五乳峰前路，遊人踪跡稀。興來成絕賞，心醉欲忘歸。斷

藥分山髓穿雲破石衣夕陽西壑暝洞注掩柴扉

王應鵬崇福宮

涼風吹玉宇吟思獨幽紆松偃前朝舊泉流太液初紫  
雲封瑞檢仙籟發清虛安得凌霄翼飄飄恣所如

李夢陽送右轄王子通除赴嵩山之役以獄事

遠有嵩山役怡然逢此春旌旗拂岫入車馬駐蘿新坐  
愛溪花發行憐寨獸馴時雷蘇萬物君重繫累民

朱衡宿少林寺

初祖開此地香臺空碧岑雙泉泓德水五葉散珠林鐘  
定禪關夕山寒寶塔陰空堂一片月會印折蘆心

黃洪憲同勝北海管建初二山人暨幻休上人遊二祖

庵遇雨

迢遞青山暮峻嶒石磴斜孤雲生杖履細雨濕袈裟古  
井遇雙柏煙嵐散五花何年辭軒冕此地學丹砂

王應鵬謁中嶽

五嶽從中起平生此勝遊紫雲飛絕頂靈氣溢皇州  
落諸天暮風搖萬樹秋因懷封禪事吟對獨悠悠

王穉登春分日送戚不磷重遊嵩少兼柬傅元鼎

柳色綠于染折來重送君路從江更隔春與客同分  
度嵩山月猿吟少室雲到時花滿縣仙冷共論文

董其昌送王思延歸赴嵩山

蓬蒿凌壘事行期而蓋曾嬰古太行車馬幾何水勿



態君應見新知我不能惟餘嵩洛夢清夜興堪乘  
陸東輦洛道中望嵩

自古幽棲地經行入望初仙臺懷對奕靈墳慕傳書巖  
裏盧巖寺峰前巢父居何當結茅宇真願共樵漁  
吳三樂雨過會善寺觀茶榜石刻

寺雨久仍過花香酒故隨尋源行水盡披霧看山時樹  
杪聞淮磬苔餘認斷碑虎溪僧送客一笑有相知

吳三樂九日重遊少林寺

少林佳麗地乘興又重遊九日禪堂靜千年古洞幽  
山蒼翠合孤峙白雲浮故友黃花共陶然一醉留

國朝閣興邦嵩陽書院四首

前朝舊講堂重闢見輝光風雅思申甫  
丞嘗斥漢唐須知名是幻慎用道爲防  
好讀樊英傳訏謨佐廟廊

四顧多生感誰爲第一流能超形跡外  
便與聖賢侔漢相千年古唐碑百代羞  
莫因徐浩筆偃月姓名畱

已入轅轅道同登川上亭一堂摹宋席  
四壁寫程銘來尚畱殘雪歸應想德星  
迴車瞻太室歷歷衆峰青

由來稱道統稽古溯唐堯潁水容高隱  
箕山怯早朝詩書宜細讀歲月莫空銷  
矢志拯饑渴功名國史標

### 葉封測景臺

自古陽城地相傳測景臺嶽形當正落  
石表定誰裁太史推求法元公制作才  
土中千象緯瞻望重低回

李如瑜石淙

日夕臨淙水微風正欲來  
波搖兩岸動壁鑿一天開  
海  
雪搗雲練噴風吼日雷  
唐人題石處強半封蒼苔

焦欽寵雪夜宿龍潭精舍

野寺峯峯合寒林杖可通  
僧歸白雪外龍臥凍雲中  
竹  
氣圍禪徑松濤起梵宮  
更深還不寐坐聽滿山風

王無忝秋日遊龍潭寺

習靜尋山寺息心戒浪遊  
雲藏嵩嶽樹水動蓼花洲  
簾  
梵來龍母鳴鐘驚野鷗  
佛奴好相伴往還入素秋

李如琦登箕山弔許由塚

箕山高士墓荒枕對嵩邱  
揖讓存三古功名溥九州  
棄

瓢巖尙在洗耳水空流到此欣憑弔清風接素秋

高一麟待仙峽

地僻疑無路山深別有天  
樵歌雲外得飛瀑座中懸  
礪鏢千年雪峯攢百丈  
遭真仙何處覓落日走寒煙

李來章謁周公廟觀測景臺

遺廟陽城陰蕭條隔暮林  
山多春氣薄地僻野雲深  
片石飽風雨殘臺閱古今  
誰從千載後圭影識天心

李天發宿少林寺

雨過登香刹松聲似梵聲  
禪居萬籟寂方丈一燈明  
倦鳥高林宿啼猿午夜清  
客牕常不寐屢見斗星橫

李天發尋達磨祖師面壁處

老禪參可破面壁悟真空  
遁跡塵鷲遠藏修道業  
通九年山谷裏拳石草庵中  
憶昔飄然渡蘆花江上風

李天發嵩嶽

雨中瞻太室蒼翠列如屏  
遠水天邊白羣峰雲外青  
碑文畱綠篆鍊客誦黃庭  
問取長生訣松根有茯苓

李天發登天中閣

建閣高無地乾坤入捲簾  
窗寒秋日暮檻濕細雲蓋  
石逕皆成壑長松欲拂檐  
時時起烟霧風雨出山尖

呂履恒登封雨

嶽色乘秋氣蒼然變晦明  
微陰生野樹細雨落山城  
石徑望中滅風泉何處鳴  
枕流吾有志箕穎問餘生

吳應棻中嶽廟

中天開法象，御氣接氤氳。  
殿角臨黃蓋，封中起白雲。  
祀崇秦典禮，樹老漢將軍。  
鸞鶴凌空舞，仙音縹緲聞。

傅應星題法王寺

古寺殘僧少，荒烟斷碣多。  
花飛前代雨，松老近時柯。  
塔影雲移岫，樵聲風送歌。  
嵩門千古月，猶自掛青蘿。

鄒錦嵩陽書院同耿逸菴太史秋望

山色凝如黛，寒溪水亂流。  
野樵綠怪石，旭日入重樓。  
柱雲初散金壺樹，已秋幾行天際雁。  
飛過蓼花洲。

張翰會善寺萬壽閣

石磴層層起，閣開萬壽雄。  
金龍盤帝座，鐵馬振天風。  
南

望雙熊拱西瞻少室通此身飄落久喜傍五雲中

李觀光漢栢

翠蓋摩天迴盤根拔地雄錫封來漢代結種在鴻濛皮  
沁千年雪葉留萬古風茂陵人已矣此栢自青叢

劉姓轅轅關

陡仄轅轅道翠屏列上巔高峰常礙日密樹不開天風  
急催殘葉洞深鎖暮煙早行憑眺望靄靄白雲連

傳諭晚霽望嵩山

嵩山開晚霽猶帶雨前雲飛白懸高瀑殘紅宕夕曛樵  
歌林外得雁字嶺頭分一望渾如洗峰峰秀且文

鄒煜三祖菴

禪寺橫林際白雲擁翠深曙烟留碧草朝日上遙岑僧  
話殘碑古鳥啼苦竹陰最憐幽徑裏清磬响餘音

詩七律

唐中宗石淙

太子時作

三陽本是標靈紀二室由來獨擅名霞衣霞錦千般狀  
雲峰雲岫百重生水炫珠光遇泉客巖懸石鏡厭山精  
永願乾坤符睿算長居膝下屬歡情

石刻

睿宗石淙

相王時作

奇峰嶮嶮箕山北秀嶠岵嶢嵩鎮南地首地肺何曾擬  
天目天台倍覺慙樹影蒙籠鄣壘岫波深洶湧落懸潭

缺顏紫宸居得一永欽丹宸御通三石



狷仁後夏日滿山石洗塵

宸暉隆望金輿轉仙路崢嶸碧洞幽羽仗遙迎鸞鶴駕  
帷宮直坐鳳麟洲飛泉灑液恒疑雨密樹含涼鎮似秋  
老臣預陪元圃冥餘年方共赤松遊

石刻在  
志年作翠

李嶠石淙

羽蓋龍旗下絕冥蘭除薜幄坐雲扃鳥和百籟疑調管  
花發千巖似畫屏金竈浮煙朝漠漠石牀寒水夜泠泠  
自然碧洞窺仙境何必丹邱是福庭

石刻

姚元崇石淙

二室三塗光地險均霜揆日處天中石泉石鏡恒留月  
山鳥山花競逐風周王久謝瑤池賞漢主懸懸玉樹宮

別有祥輝伴佳氣能隨輕輦共蔥蔥

石刻地作瑩口  
作⑦月作圖

蘇味道石涼

洞靈谿訪九丹隱暖源花迷近路

三差嶺竹聲喧壑壑對從霞文駿瀑水交飛雨氣寒

日落巖松有餘興羨同周馳駐歸臺

石刻瀑作  
驟日作⑦

靈巖石梁

洞口仙蹤幾處成泉香石冷遺含清龍旗畫月中天下

歲管披雲霧迎樹作帷屏陽景翳芝如宮闕夏涼生

登朝出詔臨示闕明日陪遊向赤城

石刻

道下卷亭亭下降芬千種岡巒千種樹

一重巖壑一重雲花落風吹紅的歷藤垂日晃綠葢草  
五百里內賢人聚願陪閩闔侍天文

石刻日作  
②人作正

徐彥伯石淙

碧淀紅溶嶠嶂間淙嵌泐岨游成灣琪樹璇娟花未落  
巖老窺崑露初還八風行殿開仙勝七景飛輿下石關

張薦席雲平圃燕焜煌金記蘊名山

石刻初  
作幽

薛曜石淙

玉洞幽尋更是天朱霞綠景鎖韶年飛花藉藉迷行路  
嘯鳥遙遙作管弦霧隱長林成翠幄風吹細雨卽虹泉  
此中碧酒恒參聖浪道崑山別有仙

石刻年作  
準聖作豐

楊敬述石淙

山中別有神仙地，屈曲幽深碧澗垂。  
巖前暫駐黃金轡，席上還飛白玉卮。  
遠遶風泉俱合雜，高低雲石共參差。  
林壑偏能畱睿賞，長天莫遽下丹曦。

石刻

于季子石淙

九旗雲布臨嵩室，萬騎星陳集潁川。  
瑞液含滋登禹膳，飛流薦響入虞弦。  
山扉野徑朝花積，帳殿帷宮夏葉連。  
微臣獻壽迎千壽，願奉堯年億萬年。

石刻星作  
臣作悉

沈佺期石淙

金輿旦下綠雲衢，綵殿晴臨碧澗隅。  
溪水泠泠雜行漏，巖煙片片繞香爐。  
仙人六膳調神鼎，玉女三漿捧帝壺。  
自昔汾陽紆道駕，何如太室覽真圖。

石刻

宋之問三楊宮石淙侍宴應制

離宮秘苑勝瀛洲，別有仙人洞壑幽。崑崙邊樹色含風冷

石上泉聲帶雨秋。鳥向歌筵來度曲，雲依帳殿結爲樓。

微臣昔忝方明御，今日還陪八駿遊。

按石淙石刻無宋之問詩，選本譌作

同遊失次，今據英華正之。

王維送方尊師歸嵩山

仙宮欲住九龍潭，旌節朱幡倚石龕。山壓天中半天上

洞穿江底出江南。瀑布杉松常帶雨，夕陽蒼翠忽成嵐。

借問迎來雙白鶴，已曾銜屐送蘇耽。

右丞

王維過乘如禪師蕭居士嵩邱蘭若

無着天親弟，與兄嵩邱蘭。若一峰晴食，隨鳴磬巢鳥下。

行踏空林落葉聲  
迸水定侵香案濕  
雨花應共石林平  
深洞長松河所有  
儼然天竺古先生

同

錢起題嵩陽焦道士石壁

三峯花畔碧堂懸  
錦里真人此得仙  
玉體纔飛西蜀雨  
霓裳欲向大羅天  
彩雲不散燒丹竈  
白鹿時藏種玉田  
幸入桃源因去世  
方期丹訣一延年

英華

錢起謁許由廟

故向箕山訪許由  
林泉物出自清幽  
松上挂瓢枝幾變  
石間洗耳水空流  
綠苔唯見遮三徑  
青史空傳謝九州  
緬想古人增歎惜  
颺然雲樹滿巖秋

文粹

盧綸朔方宮書嵩岳麻道士見寄

聞逐樵夫閑看棋，忽逢人世是秦時。  
開雲種玉嫌山淺，渡海傳書怪鶴遲。  
陰洞石牀微有字，古壇松樹半無枝。  
煩君遠示青囊錄，願得相從一問師。

英華

白居易從龍潭寺至少林寺題贈同遊者

山屨田衣六七賢，  
箏芳蹋翠弄潺湲。  
九龍潭月落杯酒，  
三品松風飄管弦。  
強健且宜遊勝地，  
清涼不覺過炎天。  
始知駕鶴乘雲外，  
別有逍遙地上仙。

白居易嵩陽觀夜奏霓裳

開元遺曲自淒涼，  
況近秋天調是商。  
愛者誰人唯白尹，  
奏時何處在嵩陽。  
迥臨山月聲彌怨，  
散入松風韻更長。  
子晉少姨聞定怪，  
人間亦便有霓裳。

白居易與諸道者同遊五室至九龍潭作

喜逢二室遊仙子厭作三川守土臣舉手摩挲潭上石  
開襟斗藪府中塵他日終爲獨往客今朝未是自由身  
若言尹是嵩山主三十六峯應笑人

吳融望嵩山

三十六峯危似冠晴樓百尺獨登看高凌鳥外青冥窄  
翠落人間白晝寒不覺衡陽遮雁過如何鐘阜鬪龍盤  
始知萬歲聲長在只待東巡動玉鸞

子華集

熊皎遊嵩山

獨背焦桐訪洞天暫攀靈迹棄塵緣深逢野草皆疑藥  
淨見樵人恐是仙翠木入雲空自老古碑橫水莫知年



可憐幽景堪長往一任人間歲月遷全唐詩

宋文彥博

一作樓異

宿少林寺

六六仙峯繞佛居俗塵至此暫銷除西來未會禪師意  
北去應馳使者車予方受命移守北都五品封槐今尙在九年面  
壁昔何如心知以宿猶難覺花藏重尋貝葉書擊壤集

金元好問望松少二首

崑沙飛來崑闔山山家茅屋翠微間雞豚鄉社相勞苦  
菘木禪房時往還結習尙餘三宿戀殘年多負半生閑  
長河一葦人千里望斷西城碧玉環

飲鶴池邊萬木稠養龍崖上五峯秋藤垂絕壁雲添潤  
澗落哀湍雪共流田父占年鸞玉旆詩僊畱迹歎崑邱

西風落日山陽道空對紅塵憶舊遊

飲鶴池在緱山養龍崖在五乳峯下

元好問懷州子城晚望少室

河外青山展卧屏并州孤客倚高城十年舊隱拋何處

一片傷心畫不成谷口暮雲知鄭重林梢殘照故分明

洛陽見說兵猶滿半夜悲歌意未平

以上遺山集

王偓送裕之還嵩山

高懷不受簿書侵清潁鷗盟欲重尋老去宦情知我薄  
聞來道念見君深對牀夜雨他年夢滿鳥西風此日心  
嵩頂勝游誰得共仙門仙馭待知音

王偓潁亭

三載西湖阻勝游潁亭聊喜散羈愁九山西絡烟霞去

一水南吞澗壑流，寶主晴酬空翠瑛。千丈橫絕自滄海，  
匆匆匹馬從君去。慚愧烟波萬里鷗。

許安仁游少林寺

巖壑深巖八翠微，少林金碧霧烟霏。五峯屏簇禪庵小，  
萬仞天開佛日輝。聞說九年空面壁，得逢二祖便傳衣。  
千秋少室山靈在，曾見先師隻履歸。

趙秉文嵩山承天谷

烟霞直上逍遙谷，路轉山腰咫尺迷。已覺洞天分聖境，  
更疑石磴是仙梯。霜添紅葉黃花好，天與金壺玉柱齊。  
醉倚西風正南望，暮雲烟草一時低。

以上中州集

元鄭棐嵩山

一重山隔一重雲，一澗花藏一澗春。泉石任渠輕俗客，  
烟霞元自重高人。指開松影杖頭濕，踏破苔根屐齒親。  
笑我青山未歸老，蕭蕭鞭馬軟紅塵。說

蒲理翰遊嵩嶽

嵩嶽巖前鐵作橋，重樓朱宇隱層霄。道人步月拾瑤草，  
童子倚雲吹玉簫。春滿石壇遲晝景，龍藏金鼎長丹苗。  
苔封少室山前路，何許高人索價饒。淵鑑類函

陳士基輓轅

遠遊重到洛陽城，又向登封道上行。路入輓轅秋更險，  
雲收太室雨初晴。千重灌木漫山碧，百道飛泉繞澗鳴。

欲訪巖山渺何許，空餘潁水照人清。爽白

李尤中奉祀嵩山夜宿少林寺

蔥嶺當時遇宋雲，手提隻履果何因。  
入山便得安心法，立雪能來斷臂人。  
錫卓一泓雲浸影，花開五葉地生春。  
無勞照石瞻遺像，滿日青山是法身。

程相游少林寺

杖屨徒登禮少林，亂山佳氣鬱森陰。  
松杉色露真如相，禽鳥聲傳梵國音。  
可笑九年間面壁，却憐二祖與安心。  
西來一曲調終古，白雪陽春和到今。

以上元詩選

明李夢陽少林寺

林深谷暝客子入，鐘鳴葉落秋山空。  
烟雲細裊石澗底，巖岫亂積松窻中。  
唐碑漢碣蘚字剝，虎啼猿嘯羅燈紅。

獨坐悠悠息塵想少室影下月出東

李夢陽望少林次韻

三十六峯雲氣通何峯寺西何者東林巖霜橫遠亦澗  
煙嵐日破重還空千山盡歷暮轉碧一樹不落秋能紅  
漸聞鐘聲出杳靄得路誰憐馬僕功

李夢陽宿少林次韻

萬山微暝一鐘鳴古寺深秋倦客情僧本折蘆翻面壁  
人非騎鶴故吹笙寒催亂木風交響白動虛巖月自生  
慚愧勞勞不成寐丁丁卧聽早樵聲

以上空同集

黃克晦嵩陽宮三將軍栢

人間栢大此全稀老幹寧論四十圍蓋偃曾傾天子葉

露寒應覆侍臣衣，猶看連影容千騎。那識何枝繫六飛。  
惆悵茂陵無限樹，荒邱殘隴草菲菲。

黃山人集

俞安期登太室

石室逶迤石徑通，艱危雙履出龍從。峯懸白日天中定，  
河引春流洛浦平。雷動呼聲傳武帝，雲扶鶴駕望仙翁。  
神漿更作三臺上，乘月思過玉女宮。

嵩書

俞安期少室

嵩高中斷並神邱，杖底泉關潁水流。低度嵐陰連太室，  
遠分山色遶中州。掛衣春樹三花滿，擁幔晴雲半彩浮。  
遙傍星樓天半宿，少微永夜在峯頭。

同上

黃輝題鉢孟峯二祖菴

澗響藤枝百折秋萬峯蒼翠鉢盂收轆轤鳥跡空山下  
河洛龍光天外流石怒亂隨獅子擲塔靈高許雁王投  
眼看浩劫長如此誰道真僧有去留

怡春堂集

黃輝同曹令遊嵩少酌盧巖泉

太室少室連花巾大熊小熊巢父憐喜從白社遭賢令  
笑共青山閱過人茶竈煮來秋月苦芝籃提去夕陽貧  
盧巖已不知鴻乙名姓何勞着片珉

同上

張琳許由古冢

讓位唐虞事絕倫寓言巢許事皆陳箕山有墓空如翁  
頽水無風靜不塵葉底綠宛仍裏露隴頭黃犢自耕春  
高蹤千古真堪訓後世何多受禪臣

通



代文箕陰避暑

獨愛雲林境界幽綠陰蔽日翠光浮棄瓢巖畔排煩熱  
洗耳溪邊枕細流每有涼風來樹底更無塵事到心頭  
許由巢父今何在千古箕山五月秋

說嵩

袁宏道登太室絕頂

礫瓦紛紛雨洗班嵩峯久矣閉仙關雲開忽見玲瓏壁  
水外微鋪淡遠山古道孰知龍洞嶮僧云勝在石樓間  
幽巖欲去無棲處獵火燒空昭夜還

袁宏道盧巖瀑布

百尺煙中紫翠分水光搖日雪紛紛長風碎曳千年石  
飛雨斜侵半壁雲澗底有人穿洞出山間投礫隔林聞

仙家只在深嵐裏，松腹猶存鳥篆文。

洞門長是帶雲關，竹杖深穿杳靄閒。醉裏放杯眠澗水，  
夢中和雨入廬山。霞光射壁殘碑出，松影流壻處士還。  
潭下老龍呼不起，攜將新月過烟鬟。

以上中  
郎集

王履和少室

九頂蓮華葉葉分，旭光一抹淨塵氛。洛川風起晴飛雨，  
嵩嶺烟封曉度雲。萬壑鐘聲通窈窕，千秋劍氣吐氤氳。  
漢唐御蹕從何識，古木蕭蕭鳥自羣。

戚伯堅石淙

境外尋真境亦真，空山雨洗壁痕新。怒流亂射泉千罅，  
紙石中蹲座百人。花鬘綺筵張繡幕，草深碧澗走朱鱗。

幽巖若可添茅屋卧聽松風老此身

李化龍嵩陽宮

懸崖壞壁草茫茫傳是嵩陽舊日宮何處閒雲飛嶺外  
有時佳氣起封中螭紋剝落唐碑古虬樹陰森漢柏雄  
指點千年成感慨悲風蕭颯萬山空

以上說嵩

國朝王鐸登太室頂二首

嵩嶽嶽崎一百盤中原灑氣正漫漫振衣法界晨鐘曙  
倚劍天門六月寒西引崑崙扶若木東窺滄海見靈壇  
撥雲禮罷星辰近兩袖罡風駕羽翰

曾聞輦蹕上崑崙望入山河萬象開疊巘中天參玉柱  
明霞旦晝出蓬萊虎蹄忽避尋源客龍樹長聽講法臺

絕頂可憐無一字側身霄漢重徘徊

王鐸游嵩陽院觀漢封三栢

嵩陽觀外栢三株漢帝遺封今記無翠靄尙畱龍馭遠  
青天時有鶴羣呼年深飽歷風霜色世渺全荒玉檢符  
欲問興亡千載事不知人代幾榮枯

以上說嵩

王紫綬登嵩嶽絕頂

呼吸天門振短袍嵯峩海內更誰豪晝晴東走黃河遠  
雲淨西隣華嶽高蟻垤何年城洛邑戰場終古黯成臯  
奇峯轉瞬難圖畫擬就金盃試綵毫

獨倚中天覽大荒西來秋色更蒼蒼日翻木葉紅千頃  
雨過芙蓉翠幾行玉女懸橋惟皎月漢皇輦路滿清霜

回看磴道深無際轉欲凌風度鐵梁

嵩遊吟

毛奇齡游少林寺

少室諸天天際開翻經一上魏王臺  
幽崑風靜三花落絕磻泉分五乳來  
漢禪遠留金貝葉秦官高覆石壇槐  
歸雲迷却丹龍洞尚有閑僧坐翠苔

西河集

潘耒會善寺二首

蘭若端居二室中臨箕俯穎勢清雄  
唐碑字字金鑿壁宋栢枝枝翠掃空  
壇古嶽神曾受戒僧高列帝每趨風  
祇今法運衰頽日猶喜滹沱一線通

院主夫隱是濟淙人

地迴林深六月寒停車盡日此盤桓  
閑徵法系捫碑辨靜把嵩書映月看  
半榻松風清辟夢三匙粟飯軟加餐

大子掌果分明見始信維摩丈室寬

潘耒登嵩山絕頂三首

行窮碧磴與丹梯直上天門路不迷涼冷人新餐沉澹  
孤高杖可撥雲霓迴看鳥道南峯伏側睇蓮花少室低  
聖世不言封禪事荒寒御路草生齊

不辭觸熱上嵩巔欲遣雙眸盡八埏翠嶺千重包楚塞  
黃河一線下秦川長安遠格浮雲外鄉國微分匹練邊  
清嘯一聲鸞鶴應隨風飄去落何天

遙呼玉女進霞杯獨立中天萬仞臺城郭平臨攢蟻垤  
湍泉直下走轟雷輪囷雲自封中起縹緲笙從鶴背來

乞與神丹教駐景願同伯壽上千回

潘耒石涼

何意陂陀坡阜間忽逢米老袖中山石依湍勢爲巖洞  
水激峯根作佩轅割得武夷清一曲分來龍渚翠雙鬢  
金輪鑿刻爲山尾猶喜梁公句未刪

以上遂初堂集

葉封中峯

峻極中峯此獨尊雲低咫尺暗天門路迷仙館孤池在  
煙斷黃河一線昏封禪有壇虛月色拂衣向石見秋痕  
不知山頂誰劉削今古初無半字存

嵩蓮草

傅景星雨後遊箕山

東郊細雨濕征衣磴道盤迴入翠微寺古無僧花自發  
松深有路鶴先歸寒泉聲裏聞清梵危石橋邊淡落暉

十載心期今赴約相逢莫漫又成違

縣志

焦欽寵登嵩嶽絕頂

嵩山山勢鬱蒼蒼坐控中原俯大荒交會陰陽畱日影  
升沈歲月老滄桑西連秦嶺通函谷東撼黃河走汴梁  
不是登高能作賦探奇弔古興偏狂

峻極嵩高四望雄中原灑氣麗天中西連華嶽三峯滲  
下矚黃河一線通想像宸遊傳漢帝追隨石室訪仙翁  
誰知老我還健搔首重來問碧空

樽林詩存

顧嗣立登小嵩頂

太室荒塗不可尋支筇岳廟且登臨金壺墨竭仙經化  
玉鏡塵昏美石沈雨過羣峰光合沓秋生萬木氣蕭森



那堪夜靜清輝滿玉女無聊急莫砧

李來章嵩頂

層穿綠樹上丹梯嵩頂烟嵐望欲迷  
虛宿雲含千嶂雨垂崖石壓萬山低  
春畱岩際花仍艷風定林中鳥自啼  
但有新詩吟卽境鴻濛濛氣迥難題

李來章謁中岳廟

層巒疊嶂盡朝宗閣殿開當第一峯  
鸞鶴有時隨節鉞烟嵐鎮日護山龍  
升騰雲雨先羣岳鐘毓英賢佐九重  
肅將微誠憑對越冥冥浩氣豁心胸

以上遊嵩草

張琦望嵩山

崑崙水下歷宏農山壓黃河嶺萬重  
九貢版章稱腹土

五宗岱嶽號中峯室呼太少凌霄漢秩視公候動鼓鐘

西眺秦關東洛瀆蒼茫天半落芙蓉

續通志

邵錦登嵩高

故步高高最上頭晴光萬里望中收西臨華嶽三峯直

北俯黃河一線流嵐趁輕霞凝翠幙雲迎曉日結層樓

天池

嵩頂有

勺水題詩罷乘月還同玉女遊

卧雲軒詩存

劉綸嵩陽書院

聖製元韻 恭和

戟外初聞絃誦清一區山館舊知名岩頭玉寨延朝爽

澗底黃華弄晚英表界樹存枯復活封函雲起雨兼晴

尊經閣下簪毫客八咏親看 欵唾成

劉綸祀隸廟

恭和

望祭宵來吉玉懸降神當日仰中天卽占禱薦心願  
若奚羨登封意侈然九野星辰光有耀兩河風雨氣無  
偏升歌一闕追周雅他日高文樂府宣

以上纒庵內集

詩五絕

暮宋之問

一作李願

嵩山夜還

家住嵩山下好採舊山薇自省遊泉石何曾不夜歸

元楊奐遊嵩十三首

盤盤十二曲石嶺瘦崢嶸脚底有平地何人險處行

坂

茂陵骨已朽萬歲恐虛傳莫上中峰頂秦城隔暮烟

方若植藜冠森若削寒玉明月夜中遊誰家借黃鶴

太室少室

太室

頽石本在世啟母人亦知可憐宋太后死罵寧馨兒

啟母

石

路傍雙闕老蔓草入荒祠時見山家女燒香乞繭絲

少

廟

避名名自在身瘠道還腴未到千年後空巖已姓盧

盧巖

壯哉昌黎筆談笑排佛禍不言動鬼神翻疑鯁雷火

龍潭

幾時落東溪曲折卧天漢語似登山人可飲不可盥

五渡

水

一片開元石愈知天地中今宵北窗夢或可見周公

影

臺

土階墮渺茫多少曹與馬底事住青山近代無讓者

箕

解后洗耳翁去飲上流水此自儻相逢黃犢應渴死水

泉

卓錫

既知田間樂焉知田間苦惟是唐虞朝所以有巢父巢父家

明王尙綱寧嶺道中

少室山欲闕少陽水欲竭瞳瞳嶺外雲皎皎峰頭月

王尙綱自少林過山憇清涼寺

寥落箕山後比隣自不凡翠峯煙霞外田廬尙有巖巖上

蒼谷  
全集

國朝施閏章嵩頂書壁

二室千峰秀秋登第一峰中原歸杖底長嘯倚孤松雪崖集

顧嗣立初祖菴雜咏三絕

一石獨亭亭中藏初祖形千季神氣在何用著丹青

石

蟲書文剝落鳥篆字模糊好去問羅什西方有此無

碑

托根依淨土二祖手親植曾逢庾嶺梅歲寒不改色

手植相以上  
叟甫集

詩七絕

唐盧照鄰登封大酺歌四首

明君封禪日重光天子垂衣歷數長九州四海常無事

萬歲千秋樂未央

日觀仙雲隨鳳輦  
天門瑞雪照龍衣  
繁弦綺席方終夜  
妙舞清歌歡未歸

翠鳳逶迤登介邱  
仙鶴裴回天上遊  
借問乾封何所樂  
人皆壽命得千秋

千年聖主應昌期  
萬國淳風王化基  
請比上古無爲代

何如今日太平詩

英華

皇甫冉少室山韋鍊師昇仙歌

紅霞紫氣晝氤氳  
絳節青幢迎少君  
忽從林下昇天去

空使時人禮白雲

全唐詩

顧况送李秀才遊嵩山

嵩山石壁挂飛流  
無限神仙在上頭  
采得新詩題石壁

老人惆悵不同遊

同上

陳羽送友人遊嵩山

嵩山歸路繞天壇，雪影松聲滿谷寒。君見九龍潭上月

莫辭清夜訪袁安

同上

歐陽詹送聞上人遊嵩山

二室峰峰昔願遊，從雲從鶴思悠悠。丹梯石路君先去

爲上青冥最上頭

同上

白居易送嵩客

登山臨水分無期，泉石煙霞今屬誰。君到嵩陽吟此句

與教三十六峰知

長慶集

系疑和嵩陽客舍月夜憶上清人



獨夜嵩陽憶正鵝月明三十六峰前  
瑤池月勝嵩陽月  
人在玉清眠不眠

徐凝見少室

適我一簞孤客性問人三十六峰名  
青雲無忘白雲在  
便可嵩陽老此生

以上全唐詩

五代許鼎募嶺四望

漢家仙仗在咸陽洛水東流出建章  
野老至今猶望幸

離宮秋樹獨蒼蒼

同上

宋程頤遊嵩山

鞭羸百里遠來遊數日陰雲暝不收  
遮斷好山教不去  
如何天意異人謀

程書

禮異嵩山二十四詠 并序

聖朝集元卷二十六

三

七

僕性嗜山水幾成癖所至雖假館僦舍莫不聚拳石  
環斗池終日玩觀殆忘食寢一旦來令嵩陽正在清  
泉白石中始至數月訟庭清暇乃芟廢圃鑿芙蓉苗  
舊二池取餘土築臺高五丈許名之揖仙北面嵩嶽  
西顧少室南望許由自餘諸峰環擁軒檻于是居高  
遠眺盡山川之形勢暇日旣作三十六峰賦以自廣  
然僕舊聞嵩山二十四峰圖經傳記所不載求之士  
人亦莫知也一日觀明太師李得柔勝之自京師來  
訪迺得其名出道藏吳天師靈跡記歷東而西一一  
可指遂命畫史圖諸峰於仰嵩堂以證其名僕謂勝

原

书

缺

页

原

书

缺

页

當年翔鳳此徘徊曾爲真人覽德來今日飛鳴天外過  
紛紛燕雀不須猜

鳳凰峰

想見金壺瀉墨河皂林餘潤鬱嵯峨伯陽當日傳經後  
肯向山陰與換鵝

金壺峰

華蓋峰高未易窮捫參歷井到天中回頭却顧人間世  
但見羣青似小童

華蓋峰

元武名峯古所傳晨昏吐氣作雲煙雖無鑽杓剗腸患  
歲晚風霜亦可憐

元龜峰

頭角低回蘚蔓封蜿蜒端似卧真龍早乾歲禱多靈應  
時見油雲出此峰

岡龍峰

鶴乘雲駢下九天玉盤星子竟誰先相應漢武題花品

畱作人間聚八仙

會仙峰

當年曾悟鏡中形，道骨仙風擬紫冥。二十四峰明月夜，

玉笙須向揖仙聽。

子晉峰

丹楹未羨人間侈，玉柱一峯天外高。自古大材須大用，

扶持廣下豈辭勞。

玉柱峯

翳霧埋雲皓首翁，難將書傳考前蹤。商山羽翼朝天後，

化作中天一石峯。

老翁峯

漢武求仙未得仙，玉人何事落峯前。故知帝子乘雲下，

神蓋峯頭啟洞天。

玉人峯

玉仙曾此駐雲車，日薄牕紗映雪膚。七字天書人不辨，

定知元女手中符。

玉女峯

翠玉懷金不待媒，蔚然佳氣翠崔嵬。天教秀拔諸峯上，

未信狂飈解折摧。

獨秀峯或云金櫃峯

翠幄籠雲自一家，蘿梯夜碾七香車。舉頭雨過餘霞散，

綠芰池開菡萏花。

積翠峯

仰攀日月風雲近，俯瞰岡巒培塿低。絕頂光芒長不斷，

人言太白此中棲。

太白峯以上宋詩紀事

金雷淵啟母石同裕之賦

千古崩崖一罅開，強將神怪附郊禰。無情頑石猶貽謗，

貝錦徒爲巷伯哀。

許安仁少室道中

少室峯頭曉月沈，千家城郭淡陰陰。五更鷄唱殘星滅，

馬上看山過少林

許安仁望少室

名山都不見真形萬仞盤盤入杳冥安得雲間騎白鶴  
下看三十六峯青

許古被召過少室

老病無堪合退休伊川久已得菟裘如今又上長安道  
好被青山笑白頭

李獻能玉華谷華谷同希顏裕之分韻得秋字

玉龍落峽噴飛流空翠霏霏晚不收歇脚山堂一壺酒  
暮涼閒對兩峯秋

秦畧少室山卓劍峯



神威洗盡世間讐電歇雷掀怒氣收一柄太阿留少室  
却擎空掌華山頭

元好問啟母石

書載塗山世共知誰傳頑石使人疑可憐少室老突兀

人呼作阿姨

以上中州集

辛愿過嵩山

催老年光滾滾來好懷知欲向誰開箕山潁水春風裏

呼起巢由共一杯

嵩書

元吳鎮盧鴻嵩山草堂圖

盧鴻仙去五百載一段高風未可攀忽觀草堂清絕處

分明几案有嵩山

梅花菴集

史錮宿少林

過客東來宿少林山僧禪榻冷雲深天風驚覺三更夢

松杪秋聲響玉琴

少林志

明王尙綱三祖菴

太室山坳一徑橫茅菴勢倚碧崢嶸叢林好語聞啼鳥

猶似當年萬歲聲

蒼谷集

高出九龍潭

空門漠漠白雲還雲外春潭鏡裏山獨有鉢龍眠不穩

時來行雨到人間

高出虛巖瀑布

太室東來第幾峯孤巖側削半芙蓉爲看飛瀑三千尺

直透春雲一萬重

袁宏道望嵩少

客程行盡太行山又見嵩高紫翠間  
料得有人山上笑紅塵似海沒朱顏

文翔鳳望箕山許由冢

豁眼靈熊見哆箕懷人月到潁川時  
知君尙厭佳名在

肯聽嵩陽弔古詩

以上太僕集

顧絳三月十九日行次嵩山善會寺

獨抱遺弓望玉京白頭荒野淚霑纓  
霜姿尙似嵩山栢

舊日聞呼萬歲聲

亭林集

國朝王紫綬漢栢

三樹中天倚翠微，霜皮寧論幾人圍。  
徘徊欲問東封事，落日殘霞帶雁飛。

何處鐘聲度晚颺，蒼烟荒蕪老龍蟠。  
武皇雨露恩原厚，嶺上雲猶似漢時。

知尺堂集

鄭日奎遊嵩山寺

十里溪聲五里山，數言梵刹萬松間。  
老僧掃地不爲客，

待有白雲時往還。

通志

呂守曾望嵩山

三十六峯如髻鬟，行人來往舒心顏。  
白雲蓬蓬忽然合，

都在虛無縹緲間。

別裁集

詩

五排

濟張九齡奉和聖製登封禮畢洛城酺宴

大君畢能事端辰樂成功運與千齡合歡將萬國同漢  
醕歌聖酒韶樂舞薰風河洛榮光遍雲烟喜氣通春華  
頭覺早天澤倍知崇草木皆沾被猶言不在躬

文粹

宋之問扈從登封告成頌應制

御路回中嶽天營接下都百靈無後至萬國競前驅文  
衛嚴清蹕幽仙讀寶符貝花明漢果芝草入堯厨濟濟  
衣冠會喧喧夷夏俱宗禋仰神理刊木望川途撫已貧  
非病時來本不愚願陪丹鳳輦率舞白雲衢

沈宋集

王邕嵩山望幸

峻極位何崇方知造化功降靈逢聖主望幸表維嵩

映連青壁嵯峨向碧空象車因叶瑞駕龍願升中萬歲  
聲長在千巖氣轉雄東都歌盛事西笑佇皇風

全唐詩

杜甫寄張十二山人彪三十韻

獨卧嵩陽客三違潁水春艱難隨老母慘澹向時人  
謝氏尋山屐陶公漉酒巾羣克彌宇宙此物在風塵  
歷下辭江被關西得孟鄰早通交契密晚接道流新  
靜者心多妙先生藝絕倫草書何太苦詩興不無神  
曹植休前翬張芝更後身數篇吟可老一字買堪貧  
將恐會防寇深潛託所親寧聞倚門夕盡力潔殮晨  
疎嬾爲名誤驅馳喪我真索居猶寂寞相遇益悲辛  
流轉依邊徼逢迎念席珍時來故舊少亂後別離頻  
世祖修高廟文公贊

從臣商山猶入楚源水不離秦存想青龍祕騎行白鹿  
馴耕巖非谷口結草卽河濱肘後符應驗囊中藥未陳  
旅懷殊不愜良覲渺無因自古皆悲恨浮生有屈伸此  
邦今尙武何處且依仁鼓角凌天籟關山信月輪官場  
羅纛積賊火近洮岷蕭索論兵地蒼茫鬪將辰大軍多  
處所餘孽尙紛綸高興知籠鳥斯文起獲麟窮秋正搖  
落回首望松筠

工部集

錢起經李蒙潁陽舊居

同心而早世天道亦何論獨有山陽宅平生永不諼青  
溪引白鳥流涕弔芳蓀蔓草入空室叢篁深數垣舊遊  
還在眼神理更忘言唯見東山月人忘不去門

同上

宋范純仁遊嵩山王弱翁聯句

極

山有東西二天門

樹品冠雙林

少林有則天一品松五品松

靈藥看苗

斷

辟疆

香醪挈榼斟道宮庭不墜

純仁

學館突無黔山有蓮書院

麥風搖浪

辟疆

溪淙石聳簪雜花春爛漫

純仁

老木夜蕭森

夕照河光接

辟疆

晴嵐塔影侵深崖藏積雪

純仁

虛壑響幽

禽藻月寒澄霽

辟疆

巖烟暮沓沈寺橋橫蟠竦純仁禪磬擊

瑤琳拂壁題新字

辟疆

逢僧舉舊吟疲驂何處解

純仁

高閣

在崎嶇

辟疆

范忠宣公集

程顥代少卿和王宣徽崇福宮

睿祖開真宇祥光下紫微  
威容凝粹穆仙仗儼周圍  
詞

聖嚴追奉神遊遂此歸  
晷旋臨秘殿天日照西畿  
朱鳳



滿星蓋青童護玉衣鶴笙鳴遠吹珠藥弄晴暉瑤宮  
常在瓊霜曉未晞木文靈像出太一體泉飛醮夕思騰  
馭香辰望絳闈衰迎愧宮職蒲酒自忘機明道先生集  
元裴處權題故盧諫議書堂

倚杖溪亭暝廻環勝畫圖峯巒摩碧落雲水媚清都  
冷知龍卧樂低惜鶴孤石苔擗瑞錦松鱗綴真朱小  
前朝盛幽樓近日無他年煢嫁畢絕頂老樵蘇元詩

明唐順之中巖

巫閭控北戶蕙嶺奠西隅茲地陰陽合中天洞壑孤  
樞標正位紫氣護真圖近接浮邱宅深藏軒后符疏峰  
運太乙列館象清都圓宮猶漢築馳道尙秦除肅肅泥

香秘森森羽蓋趨仙遊微見迹帝幸暗聞呼露洗千齡

靈境中天秀

疆

雄名古到今位尊朝列嶽

純

勢重壓千

岑靜鎖神仙宅

疆

高盤宇宙心孤棧標日月

純

絕勿倚

戈鐔彩棟靈祠邃

疆

層簷淨刹深民祈傳覲語

純

同祀

致君枕碑古苔生字

疆

堂虛畫蠹金山呼曾薦壽

純

降卽爲霖事怪塗山石

少室山

下有啟

母石

辟

疆

形端玉女砧峯

磊排翠玉

純

灘瀨激鳴琴蕙帳人誰繼

純

金泥迹可尋

唐經藏寶妙

純

魏殷想鸞音

會善寺

魏

宮

雲作他方雨

純

松連別院陰谷泉長浸斗

山有七星

泉

純

頂路欲捫參探穴

夢潛動

純

捫蘿力不禁箕熊分蟻垤

純

伊洛認蹄涔鳥

道樵夫去

純

龍潭驛使臨衆仙停羽駕

頂有八仙

皆帝

儼宸襟

山有元宗御容

選勝先看記

傳

乘危可作箴  
天門開四

栢霜封九節  
蒲星榆臨砌  
發月莢應時  
數將訪三山  
記

猶迷七聖途  
今朝陪廣樂  
直擬到方壺

荆川集

唐順之漢栢

嘉樹植崆峒  
年長勢更雄  
已無秦帝幸  
尚有漢皇封  
幹比孤生竹  
根猶半死  
桐靈泉玉女  
灌甘雨嶽神  
通葉密鶯  
難度枝樛  
葛易蒙垂陰  
九華帳弄影  
五雲宮色掩  
靈巖翠聲含  
衆竅風竇來  
虬蓋偃仙去  
鶴巢空非因  
家豈壽春秋  
自無窮

同上

王世懋嵩山少林寺月夜談禪

少室少林寺  
何年中嶽中  
人天正南北  
吾道自西東  
藤

秀三花老燈傳六葉紅我來尋祖義師老振門風步入  
嶺雲盡坐深山月空何須問密印祇自證元同枕簟清  
無夢津梁去不窮君看王逸少理得似支公

顧絳嵩山

位宅中央正高疑上界鄰蓄波含潁汝吐氣接星辰二  
室雲長擁三呼響自臻淳風傳至德孤隱祕雲真世祓  
將還古人愁願質神石開重出破嶽降再生申老栢蒼  
新翠幽花茁晚春豈知巢許窟多有濟時人

省志

國朝毛奇齡謁嵩嶽

太室開天表崇邱奠土中主名高四域受秩比三公  
月環區宅陰陽割渾濛歌崧揚峻極望祀體昭融華盛

標方嶺金壺啟上宮翁河承漢禪卜洛載周工別觀  
修鶴層城倚大熊藏書憑玉女過澗遇青童洞閉能圍  
雪梯長恍御風羣山咸拱嶽萬歲自呼嵩槐弟封堯爵  
葛羊採少翁浮邱閒駕羽子晉妙吹簫石酒龍精白崑  
花鳳首紅煙霏春渺渺水滴午滌滌虛壑涵深鑛空梁  
接斷虹天闕應再闢帝座儼相通險塞分河內靈祇屈  
岱東神京懷舊服終古賴攸同

西河集

朱楓少林寺

翠嶺迴幽谷青溪鎖少林山圍雙樹迴雲起五峰深  
葉疏猶落寒禽午自吟寶幢風颯颯鐘梵晝沉沉香  
書空篆泉調隔澗琴禪機將逸興勝事得相尋

朱楓會善寺

古木緣溪路祇園積翠間  
白雲屯浩劫紅樹帶孱顏  
石氣迎人冷苔痕滿徑斑  
清冷禪室水照耀夕陽山  
鈴語秋傳響經聲晝掩關  
寒花假砌發栖鳥望巢還  
清暇於中富鸞氛向此剛  
歸來餘逸興月夕媚煙鬟

以上排  
山集

詩七排

國朝王紫綬過萼嶺宿少林寺同李霖九傅叔甘  
輾轅千勿踏芙蓉僕馬勞勞不自供  
林內朱丹霜出寺杖前斷續路隨鐘  
誰分二室稱中嶽偕向諸天叩正宗  
初地山圍紅日少祖堂梯斷白雲封  
殘寮瓦壞雛巢露旁澗沙虛虎跡逢  
古鼎疏烟寒佛座長橋濕翠印樵蹤

黃杯社許陶元亮薄宦羣隨那曼容  
蝸蚪齋苔纏足履蒼茫河洛老龜龍  
雪亭戶閉棋聲出竹院階晴葉影重  
共道鳳笙吹此嶺獨銜明月是何峯  
火搖四壁螢流屋夢穩三更鶴定松  
金磬夜連濤設設石幢風動草茸茸  
九秋爲訪三花到雙樹欣看二妙從  
蓮漏漸稀星斗落塔鈴繁響露華濃  
篝燈此夜聯禪榻蠟屐明朝信野筇  
最是聞雞心不已躡君同起舞青鋒

嵩遊吟

傳而師同人踏雪少林夜飲成賦

三冬栗烈豐隆死半夜雰霏雪霽傾  
亂後幾人尋古寺興來吾輩出孤城  
渡頭髮髻刻露權鶴背飄飄子晉笙  
溪簇圓沙變虎跡泠泠瀑水瀉冰聲  
禪枝乳竇通明

山勢茶烟作送迎不有許詢影尚難那知支遁語縱橫  
攜琴懶學藉中散呼酒狂同阮步兵星到上方驛客語  
詩成好句瓦雞鳴劫灰圻地僧無恙老樹號風鳥易驚  
夜爇燈侵白曉他時結伴刷黃精霜鐘撞破浮生夢

月明

枕頰  
唐集



貪杯社許陶元亮薄宦羣隨那曼客  
蝸蟬齋苔癭蟲鳩蒼茫河洛老龜龍  
雪亭戶閉棋聲出竹院階晴葉影重  
共道鳳笙吹此嶺獨銜明月是何峯  
火搖四壁螢流屋夢穩三更鶴定松  
金磬夜連瀟澗謾石幢風動草茸茸  
九秋爲訪三花到雙樹欣看二妙從  
蓮漏漸稀星斗落塔鈴響響露華濃  
篝燈此夜聯禪榻蠟屐明朝信野筇  
最是聞雞心不已蹠君同起舞青鋒

嵩遊吟

傳而師同人踏雪少林夜飲成賦

三冬栗烈豐隆死半夜秀霏雪霽傾亂後幾人尋古寺  
興來吾輩出孤城渡頭髮鬚刻露權鶴背飄飄子晉笙  
漢簇圓沙鏤虎跡泠泠瀑水瀉冰聲禪枝乳竇通明鏡

原书缺页174-末